


# HEPELEU, KAPETULU

## KAMUCHITANU NAKAVALI <sup>1</sup>

 . . .ufuku, na kwivwa kwimba cha Joyce. Munatachikiza nge chize chinapu chikomwesa chivene? Uze kanyike wa pwevo, omu nahase kushinganyeka vyose vize? Kaha haufuku ufuku ikiye eji kuhana umwe weka wauhya. Omu nahase kushinganyeka vyuma vyosena vize, echi chinapu vene kushinganyeka chachindende. Echa Mwata akisule uze mwana.

<sup>2</sup> Jino, hamene, ha tu-seti, kuze kuzuvo ya chililo mu Charlestown, Indiana. Wetu wamwaza, ndumbwetu wapwevo wakufwa, ndumbu wapwevo Colvin, etu natumuhana kalesesa kamakumishilo, haze—haze ha zuvo ya chililo na kumafuka hamene namusana. Umwe uze ayoyele nge omu uli ufukuuno, kaha nahichi kusali ya lihina kuze ove mukaya lwolalumwe. Kaha vosena vanasake kupwa kukutanga, mwomwoika, vanapu vakutambika. Nachiya vene nakupwa chuma chachinene chakukafwa chisaka cha Colvin, kutachikiza nge mbalaka hano, kuze vakiko vatela kuya kuliuka nakushimbula chikuma, na vyangocho, muya . . .Etu natuya nakupwa vakuwahilila hakwiza chenu. Kaha Ngwashinganyeka . . .wetu Ndumbu walunga McKinney, uze umwe anangwile chililo cha ndumbwami walunga, myaka yayivulu kunyima okwo, nge chihanda chivene cha chililo, kaha Vanangulombo kwiza nakukafwa ikiye mu—mu kutangisa cha chililo.

<sup>3</sup> Jino, Ngwapwilenga nge kukotokela chindende, ufukuuno. Ngukwechi vikungo vyavivulu mukakahya, Ngunahono kutachikiza jila muka yakuya. Kuli kusanyika chachivulu, kaha kuhokojoka na jiponde, na vathu kusanyika, twaya. Palanga, Ngwasele ku Louisville, hanyima yayindende okwo, kukinduluka kuno washi washi, kaha kupwa na kusanyika chimwe chize chili chakuzeyesa kaha chatela kuchilinga, Ngunafwelela, oloze, ufukunuo. Kaha jino tulombelenuko shimbu tuli nakuya.

<sup>4</sup> Kaha chimene chino Kangwa—Kangwa hetele ku—kutanga chami, kapetulu 7 wa—wa—wa Hepeleu. Kaha shimbu etu tuli nakwalumuna echi, ufukuuno, Ngwatondo kuvilika hali Ndumbu walunga Graham Snelling ali kukuliwana, muze mumbalaka hano, kusongo ya chihela cha Brigham. Kachi Mwata netavila, Ngwatondo kukinduluka Chitatu naufuku. Kaha kuze etu natuya nakupwa nachuma chimwe ufuku uze etu tuli nakuya kuze kuli vangeji, ou mulungu lwolalumwe, hakitambukila Ndumbu walunga Graham mukuliwana.

Kaha ikiye ali...ngwenyi, “Kupwa na lizavu lya mwaza.” Kaha—kaha ikiye mwaya nakusakwilila etu kwiza, hali echi kukafwa. Ndumbu walunga Snelling, kala wose muli enu kupwa kukuliwana, mokomoko nge tunetavila, chili kaha kumakumishilo ya Chihele cha Brigham hano. Kalamuthu nahase kwambulula kuze chili. Hazevene kusongo ya chivaza, ize mbalaka yitwame kuze. Ikiye kusakwilila kulikata chenu. Mwomwo, etu nge mbalaka twalishiki kuzachila hamwe na ikiye, na handulendi peseti, shikaho etu tuli nakweseka kukafwa.

<sup>5</sup> Jino, kahajino etu tuli nakwiza nakushikumuka kuchihela, nge Mwata netava, kuli kapetulu 11 wa Hepeleu, maufuku amandende, kachi Kalunga netavila, kaha kuze Ngwashingtonyeka etu tuli nakuya nakupwa nalwola lwalunene nawa.

<sup>6</sup> Mamalelo, ou Mwata atukiswile chimene chino mujila ya mwaza, omu Ikiye ahingunuine Shipilitu Yenye hali etu! Kaha jino, ufuku uno, etu tuli nakuvandamina Ikiye kulinga echi cheka; kaha jino Chitatu naufuku, kaha nakutwalilaho. Kaha—kaha maufuku aze Nguhonanga, Ndumbu walunga Neville mwaya nakupwa hano nakumbachila hano, kachi Ngunanyi.

<sup>7</sup> Ngunahono kutachikiza chuma muka Nguuli nakuya nakulinga, enu munahase kupwa hano ola ino, kaha ola ikwavo jakusanyika ku California. Talenu, enu munahono kutachikiza okwo Mwata mwaya nakutuma. Ou ukiko mulonga chili chachikalu kuli yami kutunga jimbolo na kuhanjika etu natuya—etu natuya nakulinga *munganji mukananga*. Ngunahase kuputuka kulinga chuma chimwe, ou Mwata mwaya nakungutumina kumwe. Talenu? Shikaho etu tunahono kutachikiza chuma muka Ikiye mwaya nakulinga. Oloze, “Kachi Mwata netava,” etu natuhanjika echi. Kaha Ngwashingtonyeka etu vatutumina, mokomoko nge, mu Mbimbiliya, “Kachi Mwata netava, etu natuya nakulinga *munganji mukananga*.” Shikaho kachi etu natuhona kusoloka nge etu...mokokoko kuzalisa kunonoka, etu tuli nakwivwa pamo nge Mwata kachizangileko echi kusoloka.

<sup>8</sup> Likumbi likwavo, etu vatuvandamishile, Ndumbu walunga Roberson na Ndumbu walunga Wood na yami lyavene. Kaha etu natulikomokela, “Mwomwoika?” Kutwama kuze, kutala hamapu, kwiza nakushikumuka, kaha etu twatambukishile jimilosififite kuya kunyima kunote cheka mujila. Kaha Ngunapunga nakutambuka mulikula jila kufuma Ngwapwile pamo na myaka fwoteni yakusemuka. Kaha Ngwalikomokela omwo Ngwalingile chize. Etu tuli nakwimana kuze, etu vosena vatatu. Etu vosena twatambukile mulikula jila. Kutala haze hamapu, kutwalilaho ha 130, kwiza kuhita mu Illinois, kaha nakulaha chindende, keshi kutalisa uze musanko uze wapwile kunyima yayetu keshi kulutwe lwetu. Etu twapwile nakuya

ku kukuto na kusango. Kaha chuma chatete munatachikiza, kuzauka jila, Ngwambile ngwami, “Eyi keshi jila ya kwolokako.” Kutala hamavu kuze, kaha ejile nakuwana, etu twapwile fifite milosi kufuma mujila. Yakindulukile cheka . . . ? . . .

<sup>9</sup> Kahajino omwo etu twejile nakukinduluka, etu—etu twapwile nakuhanjika. Ngwambile ngwami, “Munatachikiza mwomwoika? Etu . . . Uze Mwata pamo nahase kutuhita etu eyi jila, kulilama kuhona kupwa na ponde kuze kumwe, ize yinahase kupwa chumachimwe kumwe. Etu tunatachikiza vyuma vyosena vyeji kuzachilanga hamwe na kuneha kuwaha kuli vase vamuzanga Mwata. Omu mukiko etu twatela kulama vishinganyeka.”

<sup>10</sup> Jino, ufukuuno, etu twaputuka jino kunangula chachindende. Kaha kachi Nguli . . . Ngunahono kushinganyeka etu natuya nakushikumuka, pamo etu natuya ufukuuno, ku . . . Ou napu kapetulu wamunene wakunangula ha Chamulikumi, kuliuka. Kaha unapu mutwe waunene, ou etu tunahase kutwama hali echi ha milungu na milungu na milungu, hali chize chuma chimwe, omu Apalahama afwetele vyamulikumi kuli Mekizeteki, kaha chipwe chachilemu.

<sup>11</sup> Echi chinapu chuma chakuzehesa kuli kala muthu kunyima kuze? Enu munahase kupwa nacho? Kachi echi chili nakukolesa kalamuthu, kuhuhwaa kumeso avo, kala fan. Kachi chili vene, zundula mavoko ove. Kaha, mokomoko tuma kaha umwe mukakwimanyinako, tuma muthuumwe kuli uze ndumbu walunga hano, ikiye mwaya nakuchifumisa kuli ove. Kaha Ngwazanga echi kufuma kuli yami lyavene; Nanguya nakuzuma kaha Nanguya nakutukuchila, kahajino, chuma chatete munatachikiza, Nguna—Ngunajojoma. Shikaho, echi chili hali enu, shikaho kacheshi kuhasa kungukatalisa yami mukala jila. Etu twatondo enu kupwa vakuvendejeka jino.

Etu tuli nakuya nakweseka nakumbata lwola lwaluvulu lwenu, oloze kuya nakutala kaha mu Lizu. Kaha shimbu kanda etu tuchilinga echi, echa tuhanjike kuli Mukusoneka tando yayindende.

<sup>12</sup> Jino, Tata wa Mwilu, etu tunahono kutachikiza vika vili munyambaulu. Oloze chuma kaha etu tunatachikiza, kaha vanatukunyukisa, nge vyuma vyamwaza vili kumeso etu. Mwomwo echi vanachisoneka, “Liso kalyamweneko, chipwe litwitwi kwivwa, chipwe kwingila mumichima ya vathu, chumamuka Kalunga ali navyo munyambauulu, kuli vase vamuzanga Ikiye.”

<sup>13</sup> Kaha etu twalombo nge Ove uyenga nakusokolola jijanene ja Mwilu ufukuuno, mu Zuvo Yove yakutulikila, kaha tuhane Lizu Lyove, nge nachiya nakupwa chumachimwe chize chili chakutela, chumachimwe chakutohwesa lufwelelo lwa Vakakulishitu, kaha tulingise etu kuhambakana—kuunda

kuhambakana ha Mujimbu, kuhambakana omu etu twapwilenga omwo etu natwiza nakwingila. Tuhanecho echi, Tata. Echa Shipilitu Wajila ambate Lizu lya Kalunga na kusokola Echi na muchima wosena shimbu etu tunatondo. Mu Lijina lya Yesu, etu twalombo, Ou Mwa Nove wakuzanga. Amena.

<sup>14</sup> Jino, chimene chino, mukuseza vesi ya makumishilo ya kapetulu 6, shikaho etu natuya nakwingila mu vasi 7.

*Muze vene engilile Yesu hali etu nge himukakulaha kulutwe, mwomwo nalingi lyehi kupwa Kapilishitu wakulitulaho wakuya mwayile Mekizeteke haya myaka yosena.*

<sup>15</sup> Jino etu tuli nakuya nakutnga jivasi jatete jitatu, mokomoko jivali jatete, mokomoko jitatu jatete, pamo, ya kapetulu 7, shikaho etu tanaputuka hanovene.

*Mwomwo Mekizeteke, mwangana wa Salema, kapilishitu ka Kalunga ou alitulaho, uze amuseseleko Apalahama omu akukindulukile kuze ayile kukuwajiha vase vamyangana, kaha amukiswile;*

*Uze ahanyine nawa vyakusokesa mumakumi vyakuvyuma vyosena Apalahama, (aha hakiko hali vyenu vyamulikumi); ha kwalumuna lijina lyenyi hakulivanga ikiye Mwangana wakwoloka,..kaha nawa ikiye Mwangana wa Salema, nge ngwavo, Mwangana wa kuunda;*

*Keshi naiseko, keshi na nayeko, keshi nachisemwako,..keshi nahaze aputukila...keshi nahaze aputukila makumbi eyiko, chipwe nakukumisa chakuyoya chenyiko; oloze vanamufwanyisa nge Mwana Kalunga; atwama muupilishitu nahaya myaka yosena.*

<sup>16</sup> Hanjikiso kana kuwaha! Jino etu natuya nakukinduluka mu Tesitamende Yamwaka, kufula tuze tupila twatunene. Kaha, mamalelo, omu Ngwavazanga!

<sup>17</sup> Munatachikiza, kufuma muze mu Arizona, etu twapwilenga nakutalatala. Kaha etu kwingila muze mwamwaza nakutala ha chihanda cha mavu, Mukulwane Mc Anally na yamilyavane. Kaha etu natuya nakumona chihela muze mwasolokele nge, muze mutumena twatundende, muze mwakendama meya, muze vavuluka ngwavo “vimbwetengele.” Kaha Nanguya... Ikiye mwaya nakungulingisa kuchika uze usekeseke “hwe,” kunyungulula. Jino kulikwita na “hwe,” kunyungulula. Kaha Ngwalikomokelele mwomwoika ikiye alingile ngachize. Kwiza nakuwana nge, mwamono, nge ove uli nakunyungulula uze usekeseke, chili chakwoloka. Kaha chipwe, lilolwa lya lead, yayilelu kuhambakana lilolwa lya ulu. Ulu yailemu kuhambakana lead. Shikaho omwo enu namunyungulula, vyosena vya vikungo na usekeseke na majilo navihita, oloze

lilolwa lya ulu naliya nakusala haze hamavu. Shikaho, kachi enu namukosa vimwe kufuma *hano*, naviya nakusolola tumwe twakuvyakuma twa lilolwa lya ulu kumwe kuze. Eyi vula yinakoso tuze tuvihanda. Shikaho jino etu kumbata tuze nge tuviswaswa na vyangocho, kaha kufula pili, kuheta, kaha kweseka kuwana lilolwa lya ulu. Kufula mashima mumavu, kuwafula. Kuhaka tupata, kuvituva. Kutwalilaho kufumisa chize chikungo, kuya hamavu palanga etu tunawane, kuwana jila yivene. Jino, chize chinapu chuma veji kuvulukanga “kulanjisa.”

<sup>18</sup> Kaha ufukuuno etu tuli nakweseka kumbata Lizu lya Kalunga, na kuzachisa Echi ha ngolo ja Shipilitu Wajila, kunyunga vyosena vhihandwa na kukakasana kufumisa muli etu, tuze tuma twakumunyika twakuzeneka chikuku, katweshi na kulema muchiyoyelo chetu, etu twatondo kunyunga nakufumisa shikaho etu kuwana Jila yaupahu. Ize jila yinapu Kulishitu.

<sup>19</sup> Kaha jino echa Kalunga atukafweko shimbu natutanga na kutanga mu Lizu Lyenyi. Chize chamakumishilo, tupetulu vatatu, kupwa vene, etu tunapunga nakuhanjika ha kwivwulila, jino kaha jino, Meuchizandeki.

<sup>20</sup> Jino, Ngwashinganyeka Paulu eji kuhana kulumbununa chakwoloka.

*Mwomwo ou Mekizeteke, mwangana wa Salema, . . .*

“Mwangana wa Salema.” Kaha kala mukakutanga Mbimbiliya kutachikiza nge Salema apwile mukiko apwile . . . Yelusalema apwile vene kuvavuluka “Salema.” Kaha Ikiye apwilenga Mwangana wa Yelusalema. Tala Ikiye.

*. . . kapilishitu ka Kalunga wakulitulaho, (uze ali nakuhitulukamo), uze amusesele Apalahama . . .*

Ngwatondo kumbata chisemunuino Chenyi, ou Muthu wamunene, shikaho enu namuya nakutachikiza Hiya Ikiye apwa, chatete, kaha jino enu . . . etu natuya na mujimbu.

*. . . omu akindulukile kuze ayile nakuwajihia vaze vyamwangana, kaha amukiswile;*

*Uze vahanyine . . . nawa vyakusokesa mumakumi . . . vyosena kuli Apalahama . . . hakwalumuna lijina lyenyi hakulivanga ikiye mwangana wakwoloka, . . .*

Jino tala, “Chakwoloka.” Jino, etu twapwile na kwoloka chaetu vavene, etu kupwa na kufwanyisa kwoloka, etu tunachongonona kwoloka, miyachi yosena. Oloze kuli umwe wakwoloka wakwoloka, kaha kwoloka chafuma kuli Kalunga. Kaha ou Lunga apwilenga Mwangana wa kwoloka. Hiya nahase kupwa Ikiye?

<sup>21</sup> Jino, Ikiye apwilenga Mwangana wa kwoloka, Mwangana wa Yelusalema, Mwangana wa kwoloka, Mwangana wa kuunda.

Yesu vamusanyikile, “Uze Mwangana wa kuunda.” Kaha mwangana napu mwana mwangana wa mwangana. Shikaho, ou Lunga apwile Mwangana wa kuunda, jino Ikiye atelele kupwa Tata wa Mwangana wa kuunda. Mbata echi?

<sup>22</sup> Jino echa tumone, kupwa chisemwa Chenyi chindende kulutwe, kumona kuze etu tuli nakuya.

*Chakuzeneka ise, . . .*

Jino, Yesu apwilenga na Tata. Enu mwafwelela echi? Punduvene Ikiye apwilenga.

*. . . chakuzeneka naye, . . .*

Yesu apwilenga na mama. Oloze ou Mukweze apwilenga na ise mokomoko kala naye.

*. . . chakuzeneka chisemwa, . . .*

Ikiye kanda lyehi apwenga naumwe uze Ikiye kwiza nakufuma, kala chisemwa. Ikiye lwola lwosena mukiko apwile. “Chakuzeneka chisemwa.”

*. . . keshi nahaze haputukile makumbi eyiko, . . .*

Ikiye kanda lyehi apwenga nakala lwola Ikiye aputukile.

*. . . chipwe aze makumishilo a kuyoya; . . .*

Echi chinahase kupwa chuma cheka oloze Kalunga. Mukiko kaha Chatela kupwa.

<sup>23</sup> Jino, jino kachi enu namuya nakutalisa shimbu natutanga vasi ikwavo. Talenu? “Chatete, hakupwa kulumbununa, Mwangana wa kwoloka.” Omu mukiko Ngwatondo kulinga. Eyi—eyi vasi 3:

*. . . chipwe kukumisa cha kuyoya chenyi; oloze vamufwanyisa nge Mwana Kalunga; . . .*

Jino, Ikiye kapwilenga Mwana Kalunga ko, mwomwo, kachi Ikiye apwilenga Mwana, Ikiye apwilenga na maputukilo. Kaha ou Muthu kapwilenga na maputukiloko. Kachi Ikiye apwilenga Mwana, Ikiye atela kupwa na ise na naye. “Kaha ou Muthu apwilenga na ise chipwe kala nayeko. Oloze Ikiye *vamulingishile kupwa* nge Mwana Kalunga.”

*. . . atwama kapilishitu nahaya myaka yosena.*

<sup>24</sup> Jino, Ndotolo Scofield esekele kuhanjika, nge, “Apwile muupilishitu, vamuvuluka, ‘Kupwa muupilishitu wa Mekizeteke.’”

Oloze Ngwatondo enu kupwa hamwe muminyutu yayindende. Kachi apwile muupilishitu, kaha atela kupwa namaputukilo, kaha atela kupwa na makumishilo. Oloze, “Ou kapwile namaputukiloko mokomoko kupwa na makumishilo.” Kaha ikiye kahanjikile nge aliwanyine na upilishituko. Ikiye aliwanyine na Muthu, kaha avulukile Lijina Lyenyi “Mekizeteke.” Ikiye apwile Muthu, keshi chikungulwilo ko,

keshi nge—nge—nge muupilishituko mokomoko muutata. Ikiye apwile vene Muthu na Lijina Iya Mekizeteke, uze apwilenga Mwangana wa Yelusalema. Keshi muupilishituko, oloze Mwangana wakuzeneka ise. Muupilishitu wakuzeneka ise. “Kaha ou Lunga apwilenga wakuzeneka ise, chakuzeneka naye, chakuzeneka kuputuka cha makumbi mokomoko makumishilo akuyoya.” Jino, uze Mwana Kalunga . . .

25 Hiya ou, ou apwile Yehova. Uze apwile Kalunga Wakulitulaho Lyavene. Kapwile wekako.

26 Jino talisenu, “Ikiye ayoya haya myaka.” Ikiye akwechi unjiho hano, nge, “Ikiye ayoya. Ikiye kanda Iyehi afwenga.” Ikiye kanda Iyehi . . . Ikiye kapwile wekako shina ayoya. “Ikiye atwama hayamyaka na hayamyaka.”

27 Jino, Yesu vamutengele, wakufwana nge Ikiye. Jino, mulonga echi chinapu chihandwa mukachi ka Kalunga na Yesu: Yesu apwile na maputukilo; Kalunga kapwile na maputukiloko. Mekizeteke kapwile na maputukiloko, kaha Yesu apwile na maputukilo. Oloze Yesu vamutengele, wakufwana nge Ikiye. “Kapilishitu, wakushisa muli hayamyaka.”

28 Jino, omwo Mekizeteke apwile hamavu, Ikiye apwile chumako muno mukaye oloze shina—shina Yehova Kalunga asolokele ha kutenga, Ikiye apwile hano nge mujimba wa mushipilitu. Apalahama aliwanyine na Ikiye lwola lumwe, mu mbalaka yenyi. Kaha nge omu twahanjikanga chimene chino, “Apalahama amutachikijile Ikiye. Kaha Ikiye amulwekele Apalahama chuma muka Ikiye mwakaya nakulinga, mwomwo Ikiye kapwileko nakuya nakumuseza kupwa swana wakaye wakufwika ku vyuma vize Ikiye apwile nakuya nakulingako.”

29 Echa Ngwimane hano mumunyutu, kuhanjika, Kalunga hanga ali nachishinganyeka chochimwe na Liuka Lyenyi. Enu kamweshi vana va mumilima. Enu munapu vana va Kumunyika. Kaha . . . etu hiya . . . “Vakukisula vavavovu, mwomwo navakaswana mavu.” Kaha Kalunga, Hiya mwalisolola ku—kuli Apalahama, uze apwilenga nakuswana mavu . . . Kaha Ikiye ngwenyi, “Kangweshi kutulika evi vyuma kanako kufuma kuli muthu kuhona kuya nakuswana hamavu.” Nachihambakana chikuma Ikiye kusolola vyakusweka Liuka Lyenyi nge kuya nakuswana mavu!

30 Ndanyeke ngwenyi, “Mulikumbi lize navakalaha kuze na kuno, kaha chinyingi nachikatohwa.” Kaha ikiye ambile ngwenyi, “Vakamangana navakatachikiza Kalunga kavo, muli lize likumbi, kaha navakalinga vyavinene vyakwenyeka muli lize likumbi. Oloze wamupi kaveshi kuhasa kutachikiza Kalunga wa Mwilu ko.” Vakiko vamutachikijile muchifwanyisa na kumusoloka, nge kuhanjika cha kulinangula chetu chatete, oloze vakiko vanahono kutachikiza Ikiye na mujila ya kukupuka.

<sup>31</sup> Kaha Kalunga nahase kuzata kuhichila mu kukupuka, mwomwo Ikiye apwa wakukupuka. Kukisula chipwenga ku Lijina Lyenyi! Echi chatela kupwa jila yakukupuka ize Kalunga milimo kuhichila, mwomwo Ikiye keshi kuhasa kulinga chuma chekako shina kuzata kuhichila mu kukupuka. Ikiye keshi kuhasa kulipula Lyavene mukala jila. Kaha jino ou ukiko mulonga Yesu ejile nakumbata jishili jetu, nge etu tunahase kupwa wakukupuka, nge Kalunga nahase kuzata kuhichila mu Liuka Lyenyi. Haze hakiko hali chiswamo.

Aha hakiko kaye kali muupuputa. Aha hakiko vanatondo kuhanjika, nge, “Ove unajimbalisa wongo wove.” Kuze kukiko vanatondo kuhanjika, “Ove kawatachikiza ovyo uli nakuhanjikako.”

Mwomwo, “Vyuma vya Mwata vinapu uleya kukala mangana akaye. Oloze vyuma vya kaye vyapwa chisemwa kuli vakakufwelela.” Shikaho, ove unapu muthu wakuhandunuka, ove uli nakuyoya mukaye keka kakuhandunuka. Ove kaweshi cheka muli kano kayeko. Ove unahichi kufuma muli chino kuyoya nakwingila Mukuyoya chachihya.

<sup>32</sup> Shikangaho, Kalunaga eji kusolola, keshi kukayeko, keshi kuli vakakutanga vishinganyekako, keshi kuli vakakuzata vakutangako, oloze kumichima yakulikehesa. Vathu jenyi vaze vanapu vakuvova, Ikiye mwakaya nakusolola vyakusweka vya vyuma vyavinene vya Kalunga, kuli vakiko. Enu mwamono echi?

<sup>33</sup> Jino, jino, Apalahama apwile nakuswana kaye. Kuhichila mu . . . Mbuto ya Apalahama yikapwe mafuchi osena akukisula. Shikaho Kalunga ejile nakusuluka na kuhanjika kuli ikiye, muchifwanyisa cha Muthu.

Jino, Kalunga napunga lwola lwosena hano hamavu. Kalunga kaseleko mavu. Kachi Ikiye mwakaseza hano hamavu, Ngunahono kutachikiza omu nachiya nakwiza nakupwa cha echi. Oloze Kalunga napunga lwola lwosena hano muchifwanyisa. Mamalelo, kwalisa Lijina Lyenyi!

<sup>34</sup> Ikiye apwile na vana muze mupambo, kulovoka kufuma mu Ejipitu, muchifwanyisa cha Kumunyika. Ikiye ahanjikile kuli Apalahama muchifwanyisa cha Muthu. Ikiye ahanjikile kuli Mose muchifwanyisa cha Muthu. Ikiye ahanjikile ku Liuka muchifwanyisa cha Muthu, Mwa Nenyi, Kulishitu Yesu.

Kaha Ikiye ali nakuhanjika kuhichila mu Liuka Lyenyi lelo, kuhichila mu Liuka lya kuwavisa lya Kalunga wakuyoya, kuhichila mumulondo wandambo. “Enu munapu mumitango. Yami mu Vinyo.” Kalunga achili nakuhanjika, kaha kaye kamona Yesu nge omu mweji kumuvulukanga Ikiye. Omu mukiko kaye nakamona . . . “Enu munapu mikanda ya kusoneka, ya kutanga kuli vathu vosena.” Kuyoya chove nachambulula nge ove wapwa uhiya.



<sup>35</sup> Jino, ou Apalahama mujila yakuya, kukinduluka cheka. Etu natuya nakukinduluka na kutanga hali ikiye tando yayindende, mu Mukanda wa Kuputuka. Mu kapetulu 14 mu Kuputuka, Ngwafwelela mukiko chili. Mamalelo, omu mujimbu wamwaza uli hano! Jino, etu vosena tunatachikiza Apalahama, omu Kalunga amusanyikile nakumufumisa mu Kalateya na mumbongi ya Ula, kaha amulwekele kuhandunuka kufuma kuli vatanga jenyi.

Kalunga eji kusanyikanga malunga mokomoko mapwevo, Ikiye eji kuvalweka vahandunuke.

<sup>36</sup> Jino, ou ukiko ukalu uli na mauka lelo, vakiko kavazangile kuhandunuka vaveneko kufuma kuchisemwa chamwaka cha-... vakakuzeneka kufwelela. Ou ukiko mulonga etu katweshi kuya kulutwe chekako. Etu tweji kwingilanga kaha mukuhingunuka cha chisemwa, kaha etu—etu kuhanjika, “Mamalelo, Jim napu mukweze wamwaza, kachi ikiye eji kunwanga. Kachi ikiye. . . Kaha Nanguya na ikiye ku poolroom, oloze Kangwahema pool. Kangwa—Ngwa—Nanguya na ikiye kuze kuchiwanyino. Vakiko veji kuhanjikanga vyamajilo, na vyangocho, oloze Kangwahanjika kala chumako.”

<sup>37</sup> “Fuma muli vakiko.” Echi chakwoloka. “Lihandunune ove lyavene. Kanda kukwata kuvyuma vya majilo, kaha Nanguya nakukutambula,” mukiko mwanambe Mwata. “Kanda kulikasa toka yimwe navakakuzeneka kufwelelako, kanda kupwa mutoka yimweko.” Kanda kulinga echiko. Lihandunune ove lyavene.

<sup>38</sup> Kaha Kalunga asanyikile Apalahama kupwa nakulihandununa lyavene kufuma kumuyachi wenyi, mangana atambuke hamwe na Ikiye. Ndumbu walunga, lwola lumwe echi chalumbunukila kuseza na liuka. Echi chalumbunukile kuli Paulu. Ikiye akusezele liuka lyenyi. Chasolokele na kuli vavavulu. Lwolalumwe chalununuka kuseza limbo. Lwolalumwe chalumbunuka kuseza iso na noko, kaha kukana vyosena. Kangwatwalile nge kuhanjika kahako oloze vyeji kulingika lwolalwosena, oloze lwola lumwe cheji kulingika. Echi chalumbunukila nge ove watela kumbata vyuma vyosena mukachi kenu na Kalunga, na kutambuka na Ikiye ukawenyi. Mamalelo, uze wakukisula, mbolo yiyema, chize kulikata kana chize naupwa nacho nge ove mulihandununa ove lyavene kufuma kuvyuma vya kaye na vakakufwelela vakachisemwa vaze vali nakusekeleka, na kutambuka uka wove na Kulishitu!

<sup>39</sup> Kapapa kangahi Ngunamusakwilila Kalunga! Ikiye ambile ngwenyi, “Nanguya nakukumihana masenu na manenu muli kano kaye. Nanguya nakumihana masepa navausoko. Kaha Kangweshi kamisezako, chipwe kuya Nakumiseza. Chipwethuhu kaye kosena nakakinduluka kunyima hali ove, Nanguya na ove, nakusongo ya jila.”

40 Kukisula na lisesa kana, luze muthu ali nalwo chize nachipwa chakuhonesa Mwata Yesu, kulihandununa lyavene kufuma ku visemwa vyosena na vausoko, kukavangiza Mwata! Kaha kachi kala muthu mwahona kuyoya mwakwoloka, kaha kulisolola lyevene nge Mukakulishitu, oloze zangi ya chisemwa, echi chinapu chamwaza kuli enu kukwata chihanda chikwavo hazevene. Echi chakwoloka. Kaha kachi naumwe pimbi mwaya nakutambuka na ove, kuli Umwe uze ashikile kutambuka na ove. Ou ukiko, Mwata amukiswile Yesu, Ikiye mwaya nakutambuka na ove.

41 Kalunga amulwekele Apalahama nge, “Lihandunune ove lyavene.” Kaha kupwa kaha hakupwa muuthu Apalahama, ikiye ambachile naise nakuya nenyi, ikiye ambachile na mwana ndumbwenyi walunga, muhya wenyi; vosena kusukama kuli ikiye. Kaha Kalunga kamukisuleko palanga ikiye alingile chuma Kalunga amulwekele kulinga.

42 Kangweshi nakuhanjika nge ove kaweshi Mukakulishituko. Chize, Kangweshi nakufumisa ukulishitu muli kala muthuko. Oloze Nanguhanjika echi, nge kachi Kalunga nakulweke chumachimwe kulinga, Ikiye keshi kuhasa kukukisula oveko palanga ove unachilingi. Nguli mukamenga ufukuuno na vyuma kana vinahase kusukama hali yami. Kuliwana chami kachapwile nge omu chatela kupwako, hamyaka yivali. Echi chili mwomwo Ngunahono Mwata. Ikiye angulwekele yami, “Yako kulitungu lya Africa, numba uye ku India.” Hano echi chili, chakusoneka hano, kunyima ya ou Mukanda, hano vene.

43 Uze fumbelo angusanyikile, ambile ngwenyi, “Veche vase vaka Africa. India yalizange lyehi.”

44 Uze Shipilitu Wajila anguwanyine yami, ambile ngwenyi, “Ove nauya kulitungu lya Africa nge omu Ngwamilwekanga.”

45 Kaha mumwaka weka unahichi. Kaha vase vafumbelo... Ngwavulyamine Echi. Ikiye ngwenyi, “Etu tuli nakuya Kukungulula. Visata vili lyehi hano.”

46 Ngwaputukile kuya, kuvulyamine Echi palanga nomu Ngwayile ku Lisbon. Ufuku umwe, uze, Ngwashinganyekele nge Ngwapwile nakufwa. Chimene chashishileho Ngwaputukile, kuya kuze kukapete kakusanyina, mangana ngusane. Mamalelo, Ngwapwile nakuviza chikuma, Ngwahonene kwimana. Kuze, chize Kumunyika nachisukama muze mukapete kakusanyina, ngwenyi, “Ngwashinganyekele Ngwami ngwakulwekanga ove, ‘Yako ku Africa, chatete.’”

47 Kuliwana chami chinapunga chakuhona chindende kufuma lwola luze. Chipwe Ngwayile ku India, na hakamwihi na chimbwa cha miliyoni kwimana kuze, oloze chize kachapwile kulinga chuma Kalunga ahanjikileko. Nguli nakwivwa nge kuliwana chama kavyeshi kukapwa nakufukilako palanga Nguyenga nakukinduluka na kulinga chuma kana.

Chipwethuhu Nangulinga ika, ali Africa, chatete, mwomwo ove watela kuchilinga echi. Aha hakiko hatwama Lizu Iya Kalunga Iya Hayamyaka, Iyasavala kuze. Ngwatachikijile kuhambakana chize. Oloze Ngwatela kukinduluka kunyima. Kaha Ngulinakwivwa nge echi kwiza lwola luno Nanguya nakulava kufuma muchiyawu, ha kukafwa cha Mwata.

<sup>48</sup> Ou upahu, Mujimbu wamwaza wamwaka ou unapu wakukulisa, nge mutondo wa muoak, oloze Ngwafwelela ikiye napu wakulizanga kutanduula mitango jino. Ngwafwelela echi, ou Mujimbu waunene na vyuma vyavinene, Ngwafwelela nge Mwata mwaya echa tunyikisa kaye cheka ha upahu wa Kalunga.

<sup>49</sup> Ove watela kulinga chuma Kalunga akulwekele ove kulinga. Kaha Apalahama ayile nakutwalilaho, ambachile masepa jenyi na ikiye. Ikiye avazangile vakiko. Chize chikiko chihanda cha muthu. Oloze hanyima chindende, ha na ha, ise afwile na kumufunda. Jino asalile na muhya wenyi, jino vikokojola nakulipika chejile. Kaha, makumishilo, Lote ambachile kusakula na kuya mu Satome. Kaha enu talisenu Apalahama, ikiye kalipikile na Lote ko. Ikiye ambile ngwenyi, “Etu katwatela kulipula jipamiko. Etu katwatela kulipula jipamiko. Oloze ove andula mutwe wove kaha ove yako mujila ove unatondo kuya. Kachi ove muya kumututuko, Nanguya kumulauko. Ove muya kukuto, Nanguya ku kusango.” Evi vikiko vilinga vya Mukakulishitu, wakulizanga kuhana mukwavo muthu chamwaza chakulinga. Lwola lwosen kumuhanacho ikiye, echa ikiye ambate kusakula.

<sup>50</sup> Mwomwo ika? Chuma muka chamulingishile Apalahama kulinga echi? Ikiye atachikijile nge ikiye vamushikile kuli Kalunga nge ikiye mwaya nakuswana vyuma vyosena, mwosena omwo. Amena. Shikaho jino, mbalaka chipwe chikuto, mwomwo ika nanguzakama? Chuma chosena vyapwa vyetu. “Vakukisula vavavovu mwomwo navakaswana mavu.” Vyosena vyapwa vyetu. Kalunga ahanjikile ngocho. Shikaho muhane muthu ovyo atela kusakula chamwaza, kachi ikiye natondo. Pamo chikiko kaha nahase kupwa nacho. Oloze vyosena vyapandama kuli ikiye, swana wa ulwilo ha lushiko. Evi vinapu vyenu.

<sup>51</sup> Shikaho, Sala, uze pwevo wamwaza muze mulifuchi, ikiye atwamine kuze kusali ya pili na lunga lyenyi nge omu atela kulinga. Ikiye hatomato, chamwaza, pamo ikiye avwalile uvwalo wakuzeneka chuma, mokomoko kala mwosena omwo enu mwatondo kuchivuluka. Shimbu, Pwevo Iya. Lote kuvwala nge mukajimiliyoni. Kaha lunga lyenyi apwile na mukulwane wa mbongi. Ikiye apwile mukakusopesa uze atwaminenga kuchikolo. Ikiye apwilenga na vyuma vyosena; apwilenga na lizavu lyakutunga kanawa na viwanyino vyamakati vize vyapwileko muze mu Satome na Ngumola. Oloze Sala apwile wakusuuluka kuyoya na lunga lyenyi hamwila, kaha atachikijile nge ikiye apwile mupunga ya Kalunga, kuhamabakana

kuwahilila na luheto, mokomoko, chiseke cha luheto cha ngonde. Echi chakwoloka. Muze mukiko Kalunga eji kutambukilanga.

<sup>52</sup> Kaha likumbi limwe, enu, kupwa kaha wakukunyuka nge omu namutambuka mujila yakuhenga, echi nachiya nakukwachilila kuli enu likumbi limwe. Enu munahase kushinganyeka enu namuya nakupwa kanawa. Enu munahase kushinganyeka enu kupwa na, oloze enu kamweshi ngochoko. Echa chasoloka nge chili chosena chakufwika, oloze echi kacheshi chakufwikako. Kalunga natachikiza vyuma vyosena. Ikiye atachikiza nge enu munalumbununa vene kutesekeka na kwitavila chove mokomoko nduma. Ikiye atachikiza nge enu mukiko mwatwale vene nge mwafwelela Ikiye kaha vamilwila, kumwitavila Ikiye, kaha ove uli wakufwa kuvyuma vya kaye, kaha ove uli wakuyoya muli Kulishitu. Ikiye atachikiza chize.

<sup>53</sup> Jino, etu tunamono Apalahama, Ngwatondo enu kotalisa hali eyi shipilitu ya mwenemwene. Mamalelo, chuma chosena chakisula hano hali likoji. Ngwatondo enu mutange hamwe na yami jino kufuma mu kapetulu 14 wa Kulovoka, mukatando kakandende.

<sup>54</sup> Jino, chuma chatete chasolokele omwo vakiko vayile kuze, Lote aliwanyine muukalu. Mwomwoika? Ikiye afumine muchima wa Kalunga. Kaha kachi ove muheta muukalu omwo ove uli muchima wa Kalunga, Kalunga mwaya nakukufwika ove. Oloze kachi ove uli muukalu, kufuma muchima wa Kalunga, kuli kaha chuma chimwe chakulinga, yako kinduluka mukachi ka muchima wa Kalunga cheka.

<sup>55</sup> Jino, va myangana valikokele nakuliwana hamwe, kaha vakiko vatalile hali chize chana nge chapwile na meya kanawa, kaha vakiko vashikumukilemo na kumbata Satome yamwaka, Ngomola, nakuyitambula. Kaha vakiko vachilingile. Kaha omwo vakiko vashikumukile nakuyitambula, vakiko vambachile na Lote hamwe.

<sup>56</sup> Ngwatondo enu kotalisa Shipilitu ya Kulishitu hano muli Apalahama. Jino talisenu ha vasi 14.

*Kaha omwo evwile Apalahama ngwavo mwana yayove... (Mbata echi?) ...nge ndumbwenyi vanamukwate ufunge, akwatwile vathu jenyi vakulongesa lyehi, vase vasemukilile kuzuvo yenyi, malunga makulukaji atatu nalikumi naumwe navatanu navatatu, kaha vavakavangijile palanga naku Ndatane.*

<sup>57</sup> Mamalelo, ocho chishinganyeka kana cha likoji! Apalahama, omwo ndumbwenyi, chipwethuhu apwile wakulimbuka kufuma ku likoji, chipwe apwile museteko yakulimbuka, omwo ikiye evwile nge kaye kanamukwate ikiye, kaha apwile kanamukwate nakumufumisako, nakumjiha, Apalahama azachile mwakuzata na Shipilitu ya Kulishitu. Ikiye ejile kaha kumbata vathu jenyi vase vasemukile muzuvo yenyi, nakuya navo, kaha

kuvakavangiza mbwe na Ndatane. Kaha Ndatane yapwa kusali ya Palachise, “Ndatane ku Mbetasheva,” kufuma kusongo na kusali yikwavo. Kaha yinapu muyachi wa Kulishitu, omwo Ikiye amwene kaze kaye kanambate. . . apwile wakuholoka, nge Ikiye akavangijile mukakole mbwe nakusongo, kutambula nakukindulwisa muyachi wa Alama.

58 Ngwatondo enu kutalisa ha vasi ikwavo, omu Shipilitu hano hali ikiye. Chosena chakwoloka, vasi 15 jino.

*Kaha ahilwishile cheka vikumba vyosena (vyosena) vyamwaza, na Lote nawa mwana yayenyi, navikumba vyenyi, napwevo nawa, navathu vakwavo.*

59 Omwo Apalahama ambachile hanyima ya mukakole uze ambachile ndumbwenyi walunga, ikiye amukavangijile mujila yosena kuhita mulifuchi, mbwe naku Ndatane, kaha kuneha cheka vyuma vimwe vize vyajimbalile muze mukuholoka.

60 Chifwanyisa chamwaza cha Kulishitu, Hiya evwa kufuma Mwilu nge etu twajimbala kaha ejile nakukavangiza mukakole, mbwe na muhetese, kaha kusokola myono yakujimbala kaha kutuneha etu cheka na kutukindulwisa vyuma vyosena vize twapwile navyo shimbu kanda tuholoke! Etu, vakakulimbuka, etu vaze vasemukile kupwa vana vamaunga va Kalunga, vaze vakuchongonona kupwa vana vamaunga va liyavolo, kaha kutulingisa. . . kuya hanyima ya vyuma vya kaye, kaha kulinga chakuhenga, kaha kupwa nalifwa ngemuze alingile Lote, kulanjisa lisesa lyethu na kuya hanyima ya vyuma vya mukaye. Kulishitu ejile nakusuluka. Chipwethuhu kuholoka; Kalunga, kutachikiza mukuputuka hiya navalwila na hiya mwahona, shikaho ejile hano hamavu na kukavangiza liyavolo kuhichila mukuyoya, kuhichila mukufwa, kuhichila mupalachize nakwingila muhetese. Kaha kwosena kufuma mu Upahu na kuya ku hetese, kaha kumbata ize—jize jingolo ja hetese, kaha jisapi ja kujifumisa kuli liyavolo, kaha kusanguka cheka, kaha waktungulula kuli vathu, nge ikiye nahase kupwa vana vamaunga na vamaupwevo va Kalunga cheka.

61 Talenu eyi Shipilitu muli Apalahama kuze, eyi Shipilitu ya Kulishitu kwiza na ikiye?

62 Jino Ngwatondo enu kutalisa chindende kulutwe, shimbu natutanga.

*Kaha ikiye hakukinduluka omu alingile hanajihhi va Ketolamele, navamyangana vakwavo mwangana wa Satome, kaha. . . vamyangana. . . vapwile na ikiye, mu chinema cha Sheve, chikiko chinema cha mwangana nakumukikilila.*

63 Vakiko valokele nakuya. Mwangana wa Satome vavanehele cheka. Ndumbwenyi walunga vamunehele cheka. Vana vavanehele cheka. Kaha hano ayile nakulovoka vamyangana

kuliwana naikiye. Kaha, nawa, hano hakiko Ngwatondo kupwa, mujimbu jino. Tala hano.

*Kaha—kaha Mekizeteke, mwangana wa Salema (Mwangana wa Yelusalema, Mwangana wa Kuunda) alowele mbolo na vinyo: kaha ikiye apwilenga kapilishitu wa Kalunga wakulitulaho.*

*Kaha ikiye amukiswile ikiye, kaha ambile ngwenyi, Vamukisulenga Apalahama kuli Kalunga wakulitulaho, mwenya lilu na mavu:*

<sup>64</sup> Mekizeteke, uze Mwangana wa Salema, nawa kulisolola Lyavene mukachi kava myangana veka. Kaha talisenu, eyi jita yapwile hali, eyi Shipilitu ya Kalunga muli Apalahama, ya Kulishitu, ize yanehele cheka ndumbwenyi walunga wakuholoka, kahajino kumutungulula cheka haseteko yakulimanyina, mwosena omwo ikiye ajimbalile. Ikiye achinehele cheka. Kaha omwo ikiye alingile, Ikiye anehele mbolo na vinyo, mbolo. Kaweshi kuhasa kumona Hiya uze Mekizeteke? Apwile Kalunga. Anehele mbolo, hanyima ya jita.

<sup>65</sup> Jino echa tufukununu cheka, mu Mateu 26:26, washu washu, kaha kumona omwo Yesu ahanjikile hano hali chize. Mu Mukanda wa Mateu, kapetulu 26 kaha nawa ha vasi 26, etu twatondo kutanga chindende hano. Chosena chakwoloka, Mateu 26:26.

*Kaha omu Yesu ejile navakiko kuze kuchihela vavauluka ngwavo Ngolongota, Ngolongota, mokomoko, Ngesemane, (Ngunatwale,) kaha ahanjikile kuli tumbaji twenyi, twamenu hano, shimbu Nanguya nakulomba.*

<sup>66</sup> Ngwafwelela Ngukwechi Chisoneka chakuhenga. Matewu, na twende- . . . 26 ya kapetulu 26. Kachi muthu umwe ali nayo, tanga echi, kachi enu—kachi enu namuwana. Munyutu kaha. Echi chinapu chifwanyisa chamwaza hano. Kangwazangile enu echi chihite. Hano etu tuli. Echi chikwechi, ndumbu wapwevo.

*Kaha omu vapwile nakulya, Yesu anonele mbolo, ayiwashile, . . .*

Chapwile chuma muka? Eyi jita yakumine.

*. . . ayipuzwile, na kuyihana kuli tumbaji twenyi, kaha ngwenyi, Mbatenu, na kulya; ou ukiko mujimba wami.*

<sup>67</sup> Talenu uze Mekizeteke? Myaka handulendi ya kunyima shimbu kanda, omwo Ikiye aliwanyine na Apalahama, hanyima ya jita yapwile yakuma, Ikiye ahanyine mbolo na vinyo. Kaha hano Yesu eji kuhananga tumbaji, hanyima ya jita Yenye yakukola chikuma, Ikiye avahanyine mbolo na vinyo. Tala. Tala kulutwe Kwiza cha Kwiza.

*Kaha anonele lupasa, kaha—kaha asakwilile, avahanyinelwo ngwenyi, nwenumo muvosena;*

*Mwomwo awa akiko manyinga akushika echi chachihya, akuhichisa...hali vavavulu akuneha kuvakonekela milonga ya shili.*

*Oloze nangumilweza ngwami, Kufumisoholili kangweshi kukanwa cheka wala wamihako ya vinyoko, kuvanga halikumbi lize kaha haze Nangukaunwa wauhya nayenu hamwe muwangana wa Tata.*

68 Etu tuli mujita jino. Etu tuli nakukavangiza ndumbu wakuholoka, uze Kalunga, shimbu kanda chikuku cha kaye, amwene kaha kutongola mu Kuyoya cha Hayamyaka. Kaha vyuma vya kaye vyamukwachile mukakundukundu. Ikiye nayi mumembo na mumazavu, ikiye na pwevo lyenyi, kutambuka helu na hamavu mujijila, kunwa makanya na kunwa wala, kweseka kuwana kuunda. Kaha Shipilitu ya Kulishitu muli etu, nge omu Echi nachipwa muli Apalahama, etu twayishile hanyima ya ikiye. Na vitwa vyosena vya Kalunga, Vangelo ja Kalunga vajingilika, etu twakindulukilenga kuze ndumbwetu walunga vakuholoka.

69 Kaha omwo jita yakumine, etu natuya nakuliwana na Mekizeteke cheka, kukisula Kalunga, Ou amukiswile Apalahama kuze, kaha kumuhana ikiye kukisula, kaha kumuhana mbolo na vinyo, kulikata. Kaha omwo jita yakumine, etu natuya nakuliwana na Ikiye. Etu twapwa vaswana lya lushiko lwa Apalahama, vakuswana hamwe na Kulishitu mu Wangana, mwakaya nakuliwana Ikiye kusongo ya jila, kaha nakumbata mbolo na vinyo, cheka, omwo jita yakumine.

70 Hiya ou Mekizeteke? “Uze Umwe apwilenga na tata, kapwilenga na nayeko, kapwilenga na maputukiloko mokomoko makumishilo akuyoya.” Ikiye mwaya nakupwa Kuze nakuhana kulikata cheka. Enu munachivwushisa?

71 Omwo etu natukoka, hamaufuku amwe, omwo etu kwiza hamwe nakulya mbolo kufuma kumavoko a vakakuzata, kwimanyinako etu twafwelela mukufwa cha kufwa, kufunda, na kusanguka cha Mwata Yesu, nge lihina, Mujimba wenyi uze Ikiye aliuvwilemo, Kalunga, etu kuumbata, nge kwimanyinako, “Etu twafwa lyehi kuvyuma vya kaye, kaha kupwa wakusemuka chachihya chachihya cha Shipilitu.” Kaha etu tweji kutambuka na Mujimba wa Kulishitu, vosena vakakufwelela hamwe.

72 Omwo jita yayinene yinakumisa, kaha etu kwiza cheka na Kulishitu, etu natuya nakumbata kulikata hamwe na Ikiye mu Wangana wa Kalunga, chachihya; na kulya nyama, na kunwa aze manyinga ane cheka, mu Wangana wa Kalunga. Mamalelo! Kuli Meuchizandeke. Ou ikiye Hiya.

73 Jino echa tutangenu kaha halutwe chindende hali Ikiye hano, kaha vasi 18.

*Kaha Mekizeteke mwangana wa Salema alowele mbolo na navinyo: . . . (Enu mbatenu echi?) . . . ikiye apwile kapilishitu ka Kalunga wakulitulaho.*

*Kaha ikiye amukiswile ikiye, kaha ambile ngwenyi, Vamukisulenga Apalahama kuli Kalunga wakulitulaho, mwenya lilu na mavu:*

*Kaha ikiye amukiswile, . . . Kaha ikiye amukiswile . . .*

*Kaha vamukisule Kalunga wakulitulaho, ou nahane vakakole jove mumavoko ove. Kaha ikiye amuhanyine vyakusokesa mumakumi vyakuvyuma vyosena.*

Ikiye afwetele vya mulikumi kuli Mekizeteke. Apalahama Amuhanyine chamulikumi kufuma kuvyuma vize ejile navyo.

<sup>74</sup> Jino Ngwatondo enu kotalisa hano nge Paulu mwaya nakutwalilaho, kuhana chikuku cha kwiza jino.

*Mwangana wa Satome ambile kuli Apalahama ngwenyi, Nguhane vathu, kaha ove utambule vikumba.*

Jino, mwangana wa Satome ambile ngwenyi, “Jino, ove nguhane vathu jami, kaha ove mbata vikumba.”

*Kaha Apalahama ambile kuli mwangana wa Satome ngwenyi, Ngunazundula livoko lyami kuli YEHOVA, ou Kalunga wakulitulaho, . . .*

*El Elyon, “kuheta mwilu na mavu,” kuze.*

*. . . Kalunga wakulitulaho, mwenya melu na mavu,*

*Kangweshi kutambula chipwe wanda chipwe kachikapa kalindelo, . . .*

Ikiye kapwile na nakwambulula chachinene mwomwo ya mali. Ikiye kaha atondele ndumbwenyi wakuholoka.

*. . . chipwe chuma chove nachimwe pimbi, kuchina naukamba ngwove, Ami yami ngunamuhetesa Apalahama luheto:*

*Shina evi kaha vanali vakweze, na chazano chamalunga ava vayanga nayami hamwe, . . .*

<sup>75</sup> Jino, Ngwatondo enu kotalisa, Apalahama ngwenyi, “Kangweshi kumbata chipwe lungoji muhya wasapato.” Ikiye kazungile jitako, kupwa na mali amavulu. Kaha jijita jivene kavajitungila ha kufwila chalifwako. Jijita kavajitungila maliko. Jijita vajitungila ha—ha vishinganyeka, jishimbi. Vathu veji kuzunganga ha jishimbi. Kaha omwo Apalahama ayile nakumbata Lote, Ikiye kayile mwomwo ikiye atachikijile nge ikiye nahase kuveta va myangana nakumbata luheto lwavo lwosena, ikiye alovokele nakuya mwomwo ya jishimbi “kulwila ndumbwenyi walunga.”

<sup>76</sup> Kaha kala mukakuzata uze vamutuma mwishi ya kuhwimina cha Mwangana wa Mwilu, keshi kuya kuma maliko;



chipwe ikiye mwaya nakutungu mauka amanene, chipwe kuya kukuhizumwisa vikungulwilo. Ikiye mwaya kaha mwomwo ya jishimbi, kaha echi, “Kukindulwisa ndumbwenyi wakuholoka.” Chipwe ikiye kumbata ngwee kuhana mumulambu mokomoko chipwe ikiye kazangileko, keshi kulinga chipwe chindende hachihandwa kuli ikiye.

77 Nge Ngwahanjika, “Jijita jivene vajizunga ha jishimbi kaha keshi ha maliko.” Kaha malunga na mapwevo vase veji kulinunga muliuka na kwiza nakwingila muliuka, kupwa vapuho, mwomwo *Joneses* apandama kuze, mokomoko vakiko kwalumuna liuka lyavo kufuma mu liuka lyalindende kuliuka lyalinene, ove uli nakulinga echi mwomwo ya kufwila chalifwa na jishimbi jakwoloka keshi kunyimako. Ove watela kupwa wakulizanga kwimana kulutwe lwa jita.

78 Muli yino mbalaka hano, omwo vyuma naviya mukuphanga, kaha enu malunga na mapwevo navaya nakulaha nakuya kumwe nawa, mokomoko kwala palanga kulipika chachindende mokomoko pami jinahichi, kuli chumachimwe chakuphanga na kutachikiza chove. Hazevene.

79 Eto tukwechi chisemwa hano. Eto tukwechi—eto tukwechi chiyulo hano. Eli liuka lili kukundamina ha jishimbi ja Mbimbiliya. Kachi kuli mthuumwe muno keshi nakulinga mwakwolakako, kaha enu mwashinganyeka nge kaveshi kanawako, enu yenu kuli ikiye na kuhanjika nenyi. Kachi ove kaweshi kuhasa kuliwana na ikiye ko, kahajino mbata ndumbu walunga na ove, umwe mokomoko vavali. Kachi ikiye kate kukinduluka, jino chambululenu kuliuka. Kaha liuka nalimuhanga, keshi kupwa cheka mukulikatako na ikiye. Kaha Yesu ambile ngwenyi, “Kala chuma naukasununa hamavu, Nanguya na Mwilu.”

80 Ou ukiko mulonga enu muli namaukalu amavulu, mwomwo enu kamweshi nakukavangiza jishimbi ja Mbimbiliya ko. Kachimuthumwe muliuka kulingisa kuhonesa, mokomoko chumachimwe kuya chakuphanga, kaweshi mulimo wove kwingila kuhanjika hali uze mthuu mokomoko uze pwevo. Ou unapu mulimo wove wakuya kuli uze lunga mokomoko pwevo, kaha mulweke ikiye kuhanga. Kaha kachi ikiye keshi kumivwulilako, mbatenu veka nawa umwe na enu. Ikiye keshi kumivwulilako, jino liuka limukasunune. Yesu ambile ngwenyi, “Chumamuka naukasununa hano hamavu, Nanguya nakukasununa na Mwilu. Chumamuka enu na mukasa hano hamavu, Nanguya nakukasa na Mwilu.” Echi chinapu ngolo ja liuka.

81 Hano keshi kunyima chikumako, mukakunangula wamwaza wami, ikiye apwilenga na kanyike walunga, kaha uze kanyike walunga apwilenga nakuya kuliuka, liuka linyi ivene. Ikiye ayile kuchihela kuze ikiye nakuhema na kanyike wapwevo

wamundende uze mukakunwa makanya na kunwa wala na kutwalilaho. Mukakunangula ngwenyi, “Mwomwo vene, chize chinapu kusekasana chenyi.” Sepa lyami wambwende wahamuchima, kaha kanyike walunga wamwaza. Oloze ikiye apwile wakuhungumwisa kuli vakweze vamaapwevo; kaha ikiye apwile wakumbata, kaha apwile na mwana, lunga lyenyi apwile nakuyoya. Ikiye apwile nawoma vakiko vapwile nakuya nakupwa . . . nge kanyike mwaya nakumumbata ikiye. Shikaho, uze ndumbu walunga vamupulile chosena. Kaha ikiye ambile kuli yami ngwenyi, “Ndumbu walunga Branham, Ngwatondo ove kuya kuli ou kanyike walunga wa *munganji mukananga* wami. Ngwatondo ove kuhanjika naikiye.”

<sup>82</sup> Ngwambile ngwami, “Ndumbu walunga . . .” Nguna sanyikile lijina lyenyi. “Ove uli na jila ya mwaza. Kanda ungulweke yami ko. Kachi kanyike walunga keshi kuyoyako, kaha liuka kumona ikiye kulinga chakuhenga, kahajino echi chinapu chuma cha liuka kulinga echi mulimo. Chize chasele na liuka. Kaha liuka nalitwalilaho kumulweza ikiye.”

<sup>83</sup> Shikaho ikiye ambachile ndumbu walunga, kaha ayile kuze na kumulweka. Kaha ikiye akindulukile ndumbu walunga, echa ikiye atachikiza ikiye apwile na kupwa nakusekasana chenyi ivene, hali ikiye kulinga chochimwe. Ikiye ambachile ndumbu walunga mukwavo, mukakuzata muliuka vavali vayile kaha amulwekele uze kanyike walunga. Ikiye keshi kuhasa kwivwulila kuli echiko. Vakiko vachambulwile kuliuka. Kaha ikiye kanda lyehi ezenga maufuku amwe, kwiza nakuliwana kuliuka hanyima ya shili jenyi vayilwekele shimbu kanda liuka. Jino, liuka kumukasununa ikiye.

<sup>84</sup> Kaha pamo kakweji kufuma jino ikiye apwile wakuviza na tulo, kaha ndotolo ahanjikile ngwenyi, “Kakweshi numba lihanya muno mu kaye hali ikiye numba ayoye.” Kahajino ikiye kukalava kunyima. Kalunga natachikiza mwakulingila.

<sup>85</sup> Etu tweji kwesekanga kuchilinga muli etu vavene, “Mamalelo, ove watela kukutapula *Munganji mukananga* kumufumisa muliuka. Ove watela kulinga *echi, chize, mokomoko chikwavo*.” Ove unalingi chihanda chove nge liuka kutwala kuli chize? Enu haze. Ize ikiko jila yakuvalingisa vakiko kukalava, kuvalumwina kuli liyavolo lwola lumwe.

<sup>86</sup> Chumamuka Paulu ahanjikile kuli muthu kuze apwile nakuyoya na naye wakumulele? Vakiko kavahashile kumukidulwisako. Ambile ngwenyi, “Musuulenu kuli liyavolo.” Tala omwo nachisoloka. Kaha mukanda wakushisaho vasonekele kuli Paulu, ou lunga vamwolwele. Punduvene. Kalunga atwama na jila mwakulingila vyuma kana, kachi etu natuya nakukavangiza jishimbi Jenyi.

<sup>87</sup> Kachi chumachimwe nachiya nakuhenga muliuka, kachi echi chili mukachi ka chikungulwilo, muthu wosena wa enu

vandumbu vamaunga. Kachi halizavu lya vakakuzata muliuka, umwe hali enu vakakuzata muliuka nge keshi nakuyoya kanawako, vakakuzata muliuka vakwavo vezenga nakupwa na kuliwana kweseka kumukindulwisa uze ndumbu, kumulweka chumamuka ikiye ali nakulinga; mokomoko enu mamembala, kalamwosena omwo wapwa. Jino vatela kuchineha kumeso eyi. Kachi ikiye keshi kuchilingako, jino twayenu mumulweke kafunga. Jino, ikiye vamukasunune kufuma kuliuka, kaha jino echa ikiye apwenga nge mukashili mokomoko mukakaye. Kahajino tala Mwata mwaya nakuzata hali ikiye. Talenu, muze mukiko ikiye akindulukile kuli lyavene. Chikiko nachimulingisa kukalava nakwingila. Oloze etu tweji kwesekanga kuchilinga etu vavene, munatachikiza, kweseka kulinga . . . vyuma vyosena mujila etu twatela kulinga, jino, etu katweshi kuhasa kufukila.

<sup>88</sup> Jino, ou Mekizeteke, uze Mwangana wa wa Salema, Mwangana, Kapilishitu Wa Kulitulaho, aliwanyine na Apalahama na kumukisula. Kaha amuhanyine Ikiye vyamulikumi, Apalahama alingile. Kaha Ikiye apwilenga Mwangana wa Salema. Kaha Ikiye anehale mbolo na vinyo, kulikata, kaha amuhanyine vyo Apalahama hakufuma kujita, hanyima yakufungulula malunga kuze.

<sup>89</sup> Jino, “Jijita josena,” nge omu Ngunahanjika, “jili jakuzungila hajishimbi.” Jino, kachi enu muli na jita yayindende mu liuka, yatela kupwa hajishimbi jakwoloka. Enu mwatela kuzungila hachuma chakwoloka. Kaha kala membala waliuka atela kulinga ngachize. Jino, echi kunangula chili cha liuka. Omu mukiko etu tuli hano. Omu mukiko Yami ngunemanyina hano. Omu mukiko Lizu lya Kalunga lyapwa, chinapu cha liuka.

<sup>90</sup> Kanda kwecha chuma chimwe chihonesa liuka. Kachi echi nachilingika, enu muli namulonga, enu vosena muli enu. Kaha enu, mumauka enu akuhandunuka, kachi chumachimwe chili nakuya mwakuhenga muliuka lyenu, enu muli namulonga, mwomwo enu munapu vakakutala eli liuka. Echi kacheshi nge chakuli kafungako. Echi kacheshi chakuli lizavu lya vakakuzata mulikako. Echi chili kuli ove, ove lyavene, kuya kuli uze ndumbu walunga na kutala kachi ove nauhasa kumukindulwisa nenyi. Kachi nduma, kahajino mbata vavali mokomoko vatatu na ove, kahajino kinduluka. Ikiye keshi kuhasa kwivwa chizeko, kuchambulula kuliuka. Kahajino ikiye alimbukilile Wangana wa Kalunga. Kalunga ambile ngwenyi, “Kachi enu namumuhanga ikiye kuze, Nanguya nakumuhanga na yami Kuno, kachi enu muningi mwa muchiyulo.” Jino Ikiye mwaya nakumukwasunwuina liyavolo hali ikiye mangana venyeke . . .venyeke mujimba wenyi. Kaha jino ikiye mwaya nakukinduluka cheka. Echi chakwoloka. Eyi ikiko jila yakumulingisa ikiye kukinduluka. Kachi ikiye napu mwana Kalunga, ikiye mwaya nakukinduluka. Kachi ikiye keshiko, mwomwoika—mwomwoika, ikiye mwaya nakuya lika,

kaha jino liyavolo mwaya nakumutuma ikiye kuchihela cha Hayamyaka.

<sup>91</sup> Jino, nge kufwila cha echi. Kachi ove nauchiwana kuli muthu umwe, kahajino chize chinapu chakuhandunuka. Oloze, kachi muthu ali wakupaishiwa! Kaha Lote ayile nakushikumuka na kulimbuka, chipwethuhu ikiye apwilenga ka Hepeleu. Ikiye ayile nakushikumuka kaha alimbukile. Ikiye apwilenga mulikoji, oloze ikiye alimbukile kufuma kuli chize. Kaha omwo ikiye ayile...Kaha Lote—Lote vamulwilile. Kanda kushinganyeka nge Lote kavalwilako. Ikiye apwile. Mwomwo, lwola lwosena omwo ikiye apwilenga muchihela chakuhenga, eyi Mbimbiliya ngwayo, chize, “Jishili ja Satome jayanjishilenga mwono wenyi wakwoloka hakumbi hakumbi.” Jino, nyama yenyi yapwilenga nakulinga chuma chimwe. Kaha makumishilo apwilenga ngachilihi? Ikiye anehele sonyi yavivulu. Pwevo lyenyi alumukile kupwa panda ya mungwa. Ikiye apwile na vana venyi vama pwevo. Shikaho, enu munahse kumona oyo sonyi kana anehele, mwomwo ikiye aholokele kufuma kulikoji kaha kalikindulwishile chekako. Kaha Kalunga amufumishile ikiye kufuma hamavu.

<sup>92</sup> Oloze, hanga, ikiye apwilenga ndumbu walunga wa kuholoka, kaha Apalahama alingile vyosena vize ikiye ahashile kulinga kumoneha cheka. Kaha eyi Shipilitu yapwile muli Apalahama, ili Shipilitu ya Kulishitu eyi ili muliuka lelo. Chipwethuhu uze ndumbu nalingi ika, enu mwatela kulinga mwosena namuhashila kulinga nakumukindulwisa cheka mukulikata na Kulishitu. Chipwethuhu chumamuka ikiye nalingi, enu namuya nakweseka nangolo josena.

<sup>93</sup> Jino, etu twatondo kutalisa hano jino cheka, shimbu etu natuya na echi kunangula cha ou Mekizeteke, ou Kapilishitu wamunene wa Salema, kaha ikiye aheta Melu na mavu. Jino, kupwa watete:

*Wakuzeneka ise, wakuzeneka naye, wakuzeneka chisemwa, keshi namaputukilo amakumbi, chipwe makumishilo a kuyoya; oloze apwile vamulingishile kupwa Mwana Kalunga; nakupwa lika kapilishitu.*

Jino tala. Ikiye kapwilenga Mwana Kalunga ko, Ikiye apwilenga Kalunga wa Mwana. Ikiye kapwilenga Mwana Kalunga ko, Mekizeteke kapwileko, oloze Ikiye apwilenga Ise ya mwana Kalunga.

<sup>94</sup> Jino, ou mujimba uze Ikiye apwilenga nawo, Ikiye vamutengele. Echi kavachinehele kuhichila muli pwevo ko. Shikaho na uze mujimba watunga, Ikiye kahashile. . . Mujimba umwe Ikiye atungile, Lyavene, kulisolola Lyavene.

“Kakweshi muthu nahase kumona Kalunga hakala lwola. Kalunga apwa shipilitu.” Meso aupuputa kumona vyuma kana, kuvangila echi chili muchifwanyisa nge Panda ya mulangi

wa Kakahya, mokomoko kala chuma chapwile, mokomoko muchifwanyisa cha kupwa nge vakiko vamwene ha chimweno. Oloze... Kalunga atela kusolola Lyavene kuhichila mujila yimwe. Kaha Kalunga alisolwele Lyavene kuli Apalahama, muchifwanyisa cha muthu. Ikiye alisolwele Lyavene kuli Mose, muchifwanyisa cha muthu. Ikiye alisolwele Lyavene kuli vana va Isalele, muchifwanyisa cha Panda ya mulangi wa Kakahya. Ikiye alisolwele Lyavene kuli Yowano uze Mbaputishiti, mu chifwanyisa cha katela. Enu mwamono, Ikiye alisolwele Lyavene muli jize jijila.

Omwo Ikiye alisolwele Lyavene muchifwanyisa cha Muthu, nge Mwangana wa Salema; wa Yelusalema; keshi wa Yelusalema yahamavuko, oloze Yelusalema ya Mwilu. Ikiye alisolwele Lyavene muchifwanyisa kana. Ikiye vamulingishile kupwa “nge” mwana Kalunga.

95 Jino, ou Mwana Kalunga atela kwiza kuhichila muli pwevo, kupwa wakutenga hano; mu lijimo lya pwevo, mwomwo kuhichila muchuma chochimwe chejilile kufwa.

96 Kaha Ikiye kahashile kwiza kuhichila mu tengesoko nge muze Kalunga alingile hakuputukako. Omwo Kalunga atangile muthu ha kuputuka, pwevo kapwile nachuma chimweko. Kalunga ahanjikile kaha, “Echa kupwenga,” kaha muthu afumine mulukungu. Ikiye amuvulukile ikiye, chakuzeneka pwevo kupwa nachuma chimwe na chize. Oloze, uze pwevo, haze vene apwile muli lunga.

97 Kaha Kalunga ambachile pwevo kumufumisa kusali ya Alama. Echi chakwoloka? Kaha jino pwevo ayile kaha anehéle muthu kuhichila muusunda. Shikaho jila yimwe kaha Kalunga nahase kulinga... Ikiye keshi kuhasa kwiza mumujimba washipilituko. Ikiye kejile nge Mekizeteke ko. Ikiye atela kwiza nge Muthu, kaha Ikiye atela kwiza kuhichila muli pwevo. “Mbuto Yove nayikachika mutwe wa linoka, kaha mutwe wenyi naukatota mukakunya Kove.” Chibatenu echi? Kalunga atela kwiza kuhichila muli pwevo; kaha Ikiye alingile, omwo Ikiye atwamine mumujimba Wenyi wa Mwanenyi, Kulishitu Yesu. “Kalunga apwile muli Kulishitu, kukindulwisa kaye kuli Ivene.” Kaha Ikiye ahanyine Manyinga Eyi Lyavene kupwa mulambu. Kaha ahanyine Kuyoya Chenyi, nge kuhichila mujila ya kufwa, Ikiye nahase kukulwila ove mu Kuyoya cha Hayamyaka.

98 Shikaho Kalunga ejile, kaha Ikiye vamutengele “kupwa nge” Mwana Kalunga. Talenu? Ikiye apwilenga Muthu wakutwngwe nge Mwana Kalunga. Jino, Ikiye keshi kuhasa kupwa Mwana Kalunga ko, mwomwo ou Muthu napu Hayamyaka.

99 Uze Mwana Kalunga apwilenga na maputukilo, Ikiye apwilenga na makumishilo. Ikiye apwilenga na—na lwola lwa kusemuka Chenyi, Ikiye apwilenga na lwola lwa kufwa Chenyi.

Ikiye apwile na maputukilo na makumishilo. Ikiye apwilenga na ise na naye.

<sup>100</sup> Ou muthu kapwile na ise chipwe nayeko, maputukilo mokomoko makumishilo alwola. Oloze Ikiye vamutengele, ou Muthu, Mekizeteke, vamutengele *nge* Mwana Kalunga.

<sup>101</sup> Jino, Mwana Kalunga, omwo Ikiye ejile muno mukaye, muchifwanyisa cha pwevo, mokomoko, kuhichila muli pwevo, mu chifwanyisa, kaha apwile wakujihia, kusanguka cheka chka likumbi lyamuchitatu, kusangukila hakutuvulukila kwoloka, jino Ikiye atwama hayamyaka. Kaha kachi mujimba watwama, etu kutwama nawa. Kaha mwomwo Ikiye akatwile kufuma mumajilo, etu natuya nakupwa mukufwanyisa Chenyi. Kuli Mujimbu wamwaza. Kukisula chipwenga ku Lijina lya Mwata. Keshi Vangeloko, keshi muthu waukalunga, keshi lizavu lya mangona autanga kumujingilika, oloze malunga namapwevo, amena, kwimana mukufwanyisa Chenyi. Eyo, mwane.

<sup>102</sup> Nge omu Ngweji kuhanjikanga echi, Ngwachihanjikanga echi cheka hano hali elu lwola. Chasoloka kupwa chakutela. Ngwapwile nakufutula, pamo jikambu jitanu mokomoko jitanu nayimwe nge Ngunaseze. Kaha pwevo lyami ngwenyi, “Billy, ove uli nakupwa namutwe walyaja.”

<sup>103</sup> Ngwambile ngwami, “Oloze Kangwajimbalishile numba chimwe ko.”

<sup>104</sup> Ikiye ngwenyi, “Jili kulihi?”

<sup>105</sup> Ngwambile ngwami, “Ngulweke yami okwo japwilenga shimbu kanda Ngupwenga najo, Nanguya nakumilweka okwo vali nakuvandamina hali yami.” Echi chakwoloka.

<sup>106</sup> Ngwapwile nakupwa nge—nge mukakuzunga, mukajifwanjiji. Ngwapwile wakujikiza kaha wakujikiza. Kaha Ngwevwile, kachi enu namuhaka liuka hanyima yami, Nanguya nakutambuka mujila yimwe na ikiko. Nanguya nakumilweka, omwo Nanguya nakukanduka chimene chino jino, Ngunatachikiza nge kuli myaka fwote chumachimwe yinahichi. Talenu? Yami kangweshi ocho Ngwapwilenga nakupwa. Yami ngunaholoka, hakumbi hakumbi. Nge omu Nguli nakutala ha mavoko ami na kushinganyeka, “Tala hano. Chamwaza, Nguli nakupwa kashinakaji walunga.” Ngwatalile ha vifwiji vyami. Ngwamono Ngunazeye hali etu vavavulu. Ngwapwile nakuvwala muhya wa twende eyiti. Ngwawwale seti jino. Talenu, Nguli nakushinakaji, wamunene, kufumako.

<sup>107</sup> Chuma muka echi? Ngwalile chuma chochimwe Ngwapwilenga na kulya. Nguli nakuyoya utoma kaha kuhambakana omu Ngwapwilenga nakuyoya, chuma chochimwe. Oloze Kalunga atongwele lwola hali yami, kaha Ngwatela kumutambula. Oloze chishinganyeka chakisula chili, chize, ha likumbi, Ikiye mwakaya nakungusangula cheka. Kaha vyuma vyosena Ngwapwilenga omwo Ngwapwilenga na twende

faifi myaka yakusemuka, Nanguya nakupwa cheka hayamyaka. Amena. Enu haze. Ushinakaji chumamuka kuli yami? Ngunavete liyavolo kufuma mummyaka na myaka, kutachikiza echi, chize Ngwafwelela Ikiye. Echi chiyoyelo chinapu chachindende, vyuma vyavihi, kalamwosena. Kachi etu natutwama tukweji vatatu na likumi, myaka makumi atanu anayivali, lwola lwakushika, chumamuka—chumamuka chize chamokomoko na ushona? Chumauka echi? Unahase kutambasana zuvo yavapeji na yaupahu kuze?

108 Mwomwoika, vakukisule Lijina lya Mwata! Chumachimwe mukachi muli yami aliwanyine na uze Mekizeteke likumbi limwe, kaha Ikiye ahanjikile kuunda kuli yami kaha Ikiye anguhana Kuyoya cha Hayamyaka. Kaha echi chiyoyelo kulumbununa chamokomoko oloze mbalaka kunangula Mujimbu wamwaza kuhichila. Nanguhanjika echi na kushishika chosena, na eyi Jimbibiliya jivali jakusokoloka kumeso ami. Kachi Kalunga kami apwilenga kuhichila muli yami kunangula Mujimbu wamwaza, kaha Ngunahase kulinga chuma cheka hali Ikiye, vana vami apwile kashinakaji chikuma kuzakamina vavene, kaha Ikiye natondo yami ngumbate hano vene, “Amena,” mukiko kaha. Eyo, mwane.

109 Chihandwa muka nachipwaho kachi Nguli eyite mokomoko kachi Nguli twende? Nguli kaha hano ha chuma chimwe: kuzachila Mwata. Mukiko kaha. Kachi Nanguhasa kunangula Mujimbu wamwaza nge Nguli nakulinga jino, omwo Nguli eyite, chihandwa muka nachipwaho chipwe Nguli fwote mokomoko eyite? Kuli vathu vavavulu myaka eyite yakusemuka ufukuuno. Kaha kuli vana vavavulu nakuya nakufwa, omwo myaka eyite yakusemuka kuyoya kuhambakana umwe wavo. Chihandwa muka chalingile echi? Chinapu kujina chove, jishimbi jove, kaha etu hano kuzachila Mwata Yesu. Mukiko kaha.

110 Kutachikiza echi, nge, “Echi chiyoyelo chili nge muthu kuhanjika hali chize; nge lwola lumwe chapwile, kaha jino keshiko.” Oloze kachi etu natupwa na Kuyoya cha Hayamyaka, Kalunga nashiki Ikiye mwakaya nakusangula etu cheka. Kaha etu natuya nakumbata kulikata hamwe na Ikiye omwo makumbi ali kuze, kaha omwo Ikiye ahanjikile, “Ingila mu kuwahilila cha Mwata, chize vamiwahishilile enu kufuma kukwala chikuku cha kaye.”

111 Jino chihandwa muka chakulinga hano, chipwe etu kupwa nakalachuma mokomoko chipwe etu kuhona? Chipwe etu tuli mukweze mokomoko chipwe etu twakolo lyehi, chihandwa muka nachilinga? Chuma chivene, ove uli wakulizanga kuliwana na Ikiye? Ove wamuzanga Ikiye? Unahase kumuzachila Ikiye? Ove unalanjisa na vyuma vya mukaye? Ove waliwana na Mekizeteke kufuma mujita haze?

112 Vamukisule Kalunga! Ha myaka twende wani yakusemuka, Ngwapwile, kaha likumbi limwe Ngwapwile na jita na *echi*, *chize*, kaha *mukwavo*. Kangwawashile kupwa nge Ngwatondele kupwa mukakuzunga, mokomoko nge Ngwatondo kupwa chinyanga, mokomoko chinyanga, kala chuma Ngwatondo kupwa. Oloze Ngwaliwanyinene na Mekizeteke, kaha Ikiye anguhanyine mbolo, kaha kufuma haze vene chapwile cha haya myaka. Haleluya! Ngunayi kusali Yenji. Ngunapunga nakuwahilila ha jila. Kaha omwo echi chejile kusongo ya jila, na kufwa kutala kumeso, kujila Ngwevwile jino, Kangweshi kuhonako. Nanguya nakutambuka, kutonda kutambuka kumeso a echi, kutachikiza echi, nge Ngunatachikiza Ikiye Uze ashikile lushiko, echi chakwoloka, Ngunatachikiza Ikiye mujingolo Jenji ja kusanguka. Omwo Ikiye asanyikile kufuma mukachi kavo kakufwa, Nanguya nakufuma mukachi kavo. Echi chakwoloka, kutachikiza Ikiye mu ngolo ja kusanguka Chenyi. Chihandwa muka chalingikile, chipwe Ngunapu kashinakaji mokomoko chipwe Ngunapu mukweze? Chipwe Ngunapu wamundende chipwe Ngunapu wamunene? Chipwe Ngunapu wakuzala chipwe Nguli nazala? Chipwe Ngukwechi chihela chakwala lyehi mokomoko chipwe Kangweshi ngochoko?

113 “Tujila vakwechi maswa, kaha mumbwe akwechi wina, oloze Mwana muthu keshi na chihela nanguhaka mutwe Wenyi,” oloze Ikiye apwile Mwangana wa Upahu.

114 Etu tunapu va myangana na tupilishitu ufukuuno. Chihandwa muka nachiheha chipwe mokomoko etu katweshi nachoko? Kachi etu tukwechi Kalunga, etu tunahambakana vakakufungulula. Etu tunahambakana vakakufungulula. Etu twahaka Kumeso a Kalunga, mukulikata cha Shipilitu Wajila, kumbata Kulikata cha mushipilitu kufuma mumavoko a Ikiye uze ambulwile unjiho, “Ngwapwile Ikiye uze wakufwa, kaha ayoya cheka, kaha Nguli wakuyoya haya myaka.” Kutwama hamwe muvihela vya Mumelu muli Kulishitu Yesu. Mamalelo, kukisula chipwenga ku Lijina Lyenyi Lyajila! Chihandwa muka nachilinga?

Mbalaka chipwe zuvo yamwaza, mwomwoika  
Nanguzakama?

Vakiko vali nakutunga nganda yami Kuze!

Nyi maluve na ndayimonde, na palata na ulu,  
Nyambaulu jenyi jakuzala mbe, Ikiye akwechi  
luheto lwakuhona kwambulula.

115 Ngwamuwanyine Ikiye likumbi limwe omwo Ngwejile nakufuma mujita. Ngwahakile luheto lwami hamavu. Kangweshi kuzunga jitako kufuma haze; Ikiye eji kunguzungila. Nguli kaha nakuvandamina hali lushiko Lwenyi, kutachikiza echi, nge Ngunatachikiza Ikiye mu ngolo ja kusanguka Chenyi. Ou ukiko ukalu. Ukalu uli halihi?



116 Chumamuka etu tunahase kulinga? Mwomwoika kupwa na vishinganyeka vyakuhakako kamwe kuchivwuvwu chove? Chumamuka muzakama chipwe kambu jove jakulijinga, mokomoko chipwe ujikwechi mokomoko ndduma? Chihandwa chilihali? Kachi ove unapu kashinakaji, kachi ove uli nawele, kachi ove uli na mahye kutunjika, kachi kaweshiko, chihandwa muka na echi? Amena. Echi chinapu kaha kuhanjika, chihela chachindende, oloze Echi chinapu hayamyaka na hayamyaka. Kaha nge aeons of time roll on, nge omu visemunuino navihita, Ove kaweshi kwalumukako, kaha yako lika nakuhita muchisemunuino Chenyi chakuzeneka kukuma cha Hayamyaka. Chihandwa muka nachilinga na echi?

117 Ngunawahilila chikuma Ngwaliwanyine na Ikiye. Ngunawahilila chikuma Ikiye kunguhana mbolo, likumbi limwe, uze youmwe Mekizeteke uze aliwanyine na Apalahama kwiza kufuma kukujiha va myangana. Punduvene. “Uze Kalunga wa Mwilu,” uze *El Elyon*; wamunene “NGWAPWA,” keshi Ngwapwile; NGWAPWA, hajikiso nge lelo. “Kaha Ikiye amukiswile.”

118 Ivwulilenu hano chindende kaha halutwe, shikaho etu tunahase kumbataho kunangula chachindende hamwe. Jino vasi 4.

*Jino talenu omu alemene uze lunga, . . .*

Ngwashingtonyeka kaha chize, nawa. “Talenu omu uze Lunga alemene.” Ikiye ali wakuhambakana Mwana Kalunga. Uze Mwana Kalunga apwilenga na ise na naye; Ikiye kapwile nenyiko. Uze Mwana Kalunga apwile na kuputuka chalwola na makumishilo alwola; Ikiye kapwile ngochoko. Hiya uze? Uze apwilenga Ise ya Mwana. Uze ikiye Apwilenga Hiya.

*. . . talenu omu alemene uze lunga, uze . . . vahanyine vyakusokesa mu makumi kuli chikota chetu Apalahama vyakuvyuma vyakuhambakana kuwaha vize atambwile kujita.*

119 Jino ivwulilenu kanawa.

*Kaha chamwenemwene vana va Levi, vase navatambula upilishitu, vali . . . nalushimbi ngwavo, vatambulenga vya kusokesa mumakumi kuli vathu vakwavo nge omu jaya jishimbi, kuli, vandumbwavo vene, chipwe ava vanasemuka mumitanda ya Apalahama:*

120 Jino tala echi kachi enu mwatondo kumona chumachimwe.

*Oloze uze ukwechi chisemwa chenyi chakuzeneka kulavila natwalilaho . . . kuli vakiko natambula vyakusokesa mumakumi kuli Apalahama, kaha namukisulou vanashiki lyehi jishiko.*

<sup>121</sup> Apalahama apwilenga na lushiko, kaha ou Lunga amukiswile Apalahama uze apwilenga na lushiko. Uze apwile Hiya? Vaze vana va Levi afwetele vyamulikumi kuli vandumbwenyi mokomoko... Vandumbwenyi vafwetele vyamulikumi kuli vakiko. Vakiko vatambwile lushimbi kuli Mwata kutambula chamulikumi cha kufuma kuli vandumbwavo, cha kuyoya chavo, mwomwo vakiko vapwile muupilishitu. Jino, ize chechele uze Mekizeteke muupilishitu, nge omu muli nakuhanjika hali chize, hazevene. Echi chakwoloka. Oloze ou Lunga... Chipwe umwe uze apwilenga na lushiko, muthu wamunene hano hamavu, Apalahama, aliwanyine na Muthu kaha afwetele chamulikumbi kuli Ikiye. [Hatepu hapimbi—Muka.] Ikiye atela kupwa wamunene.

<sup>122</sup> Ivwililenu.

*Oloze kala pami pimbi ou ahona ulemu veji kumukisulanga kuli ou amuhambakana.*

Punduvene. Tala Ikiye Hiya.

*Kaha hano ava veji kutambulanga vyakusokesa mumakumi vanapu vakakufwa;...*

Uze ukiko upilishitu wachiyulo cha tupilishitu navakakunangula, na vyangocho. Malunga vaze veji kutambulanga chamulikumi, veji kufwa. Talenu?

*...oloze hano uze mwatambulou vanavuluka naunjihō ngwavo nayoyo.*

<sup>123</sup> Mwomwoika mumwatambwila chamulikumi, kachi ikiye keshi na... Kachi ikiye kanda lyehi asemuke, kaha keshi kukafwako, kaha apwile wakufuma kumakumishilo, na—na kanda apwenga na ise mokomoko naye mokomoko chisemwa, kaha aheta Melu osena na mavu na vyosena vilimo, mwomwoika mwatambwila chamulikumi? Mwomwoika mwalomba Apalahama kumufweta chamulikumi? Mwamono omu chinapu chachilemu kufweta chamulikumi? Chamulikumi chakwoloka. Kala Mukakulishitu ali wakukashiwa kufweta chamulikumi. Echi chakwoloka. Kanda lyehi chalumuke.

<sup>124</sup> Jino:

*Kaha ngocho chinapu nge Ngwavo, uze atambwile vyakusokesa mumakumi, muli Apalahama chipwe Levi mukakutambula vyakusokesa mumakumi.*

<sup>125</sup> Jino, mamalelo, hano hali chuma chimwe.

*Mwomwo ikiye apwilenga achili kumitanda yaise hakumuhumangana kuli Mekizeteke.*

<sup>126</sup> Ika? Levi? Apalahama apwile kaka ya kaka ya kaka ya Levi. Kaha eyi Mbimbiliya ngwayo hano, nge, “Levi afwetele vyamulikumi omwo ikiye apwilenga mumitanda ya Apalahama.” Visemunuino viwana shimbu kanda ikiye ezenga

hano hamavu, ikiye apwile nakufweta chamulikumi kuli Mekizeteke. Kukisula chipwenga Lijina Iya Mwata!

127 Kahajino, enu kamweshi kuhasa kufwelela mukutongola, mokomoko kutachikizaho Iyehiko; kaha hano, visemunuino viwana shimbu kanda Levi ezenga nakulovoka kumitanda ya Apalahama, apwile nakufweta vyakusokesa mulikumi kuli Mekizeteke. Kachi etu twapwanga na lwola lwakuhita muli Chisoneka.

128 Kachi ove mumbate echi kuli Yelemiya 1:4, Kalunga ambile ngwenyi, “Ngunatachikiza enu shimbu kanda ove utungike mujimo Iya mama yove. Kaha Ngwakujilikile ove na kukutongola ove kupwa kapolofweto ku mafuchi.” Jino chumamuka ove muhanjika chize ove walingile? Chumamuka Nguhase kuhanjika nge Nangulinga? Echi chinapu Kalunga kusolwesa keke. Kalunga atachikijile shimbu kanda chikuku cha kaye.

129 Ikiye keshi wakulizanga nge kala muthu akanongeko. Punduvene chiku. Oloze kachi Ikiye apwa Kalunga, Ikiye atachikijile hiya navalwila kaha hiya navahona kulwila, mokomoko Ikiye katachikijile kalachuma ko. Kachi Ikiye ahonene kutachikiza . . . Kachi ikiye ahonene kutachikiza hiya mwaya Mukuhukula, shimbu kanda kaye vakatunge, kahajino Ikiye keshi Kalunga ko. Kachi Ikiye napu wakuzeneka maputukilo, Ikiye mwaya . . . Ikiye atachikijile kala mbwangala, kala jiji, kala jina, kala liundu, uze atelele kupwa hamavu, shimbu kanda mavu vawatenge. Echi chakwoloka. Ikiye atachikijile vyuma vyosena. Shimbu kanda kwala chihela cha kaye, Ikiye atwijivile. Eyi Mbimbiliya ngwayo, chize, “Ikiye atachikijile etu kaha atutongwele etu.”

130 Echa tukwate echi chindende. Echa tuyenu ku Efwesu, kapetulu 1. Uze kapetulu 5- . . . Kapetulu 1 wa Efwesu, katando kaha. Ngwatondo kutanga hano mumunyutu kaha, shikaho nge enu namwivwushisa vene nge keshi kupwa nachuma kahako echi Nguli nakweseka kumilweka. Echi chinapu chumachimwe Kalunga ali nakweseka kukulweka. Talenu? Jino iwililenu kuli echi, hakamwihi, kapetulu 1 wa Efwesu.

*Ami Paulu, ngukapositolo ka Kulishitu Yesu chakumuchima wa Kalunga, . . .*

Uze lunga youmwe asonekele mukanda wa Hepeleu, kusoneka ou mukanda.

*. . . kuli vakakujila . . .*

Echi kacheshi chakuli vakakuzeneka kufwelelako, oloze kuli vakakujila, vakujili- . . . vaze vakakujila.

*. . . echi chili ku Efwesu, na kuli vakakushishika muli Kulishitu Yesu:*

*Kuli enu kupwenga likoji, nakuunda, vya kuli Kalunga Setu, na kufuma kuli Mwata Yesu Kulishitu.*

*Vamukisulenga Kalunga ka Mwata wetu Yesu Kulishitu ikiye Ise nawa, ou natukisula etu na kukisula cha mushipilitu chosena mumelu. . .*

“Kutesekesa nge Ikiye. . .” Jino, ivwulilenu kanawa jino, ha vasi 4.

*Kutesekesa nge omu ikiye atusakwile muli ikiye shimbu kanda chikuku cha kaye, . . .*

Hiya uze “etu” kuze? Eli Liuka.

*. . . ikiye atusakwile muli ikiye (Kulishitu) shimbu kanda chikuku, chamavu, nge etu twatela kupwa wakujila kaha wakuzeneka mulonga kumeso eyi mu zangi:*

*Mwomwo atutongwele lyehi hakulivanga mangana ngwenyi, akatwitavile kupwa tuvana va ivene muli Yesu Kulishitu, nge kutesa Nomu Amwene kuwaha mumuchima wenyi,*

<sup>131</sup> Hiya achilingile? Kalunga achilingile. Kalunga atachikijile kufuma kumaputukilo hiya navalwila kaha hiya navahona kulwila. Punduvene, Ikiye apwile wakulizanga kachi akanongeko. Oloze Ikiye kayumine Yesu hano mangana amone kachi ove—ove muyoya ngachize, “Chamwaza, Yesu wakuhutwa, Ngulinakwivwa keke hali Ikiye. Pamo Ngwatela kumulwila na kwinjikiza echi.” Nduma, mwane.

<sup>132</sup> Kalunga atachikijile mukuputuka hiya kaha hiya mwahona. Shikaho, shikangaho, Ikiye atachikijile nge vamwe vanahase, shikaho Ikiye atumine Yesu mangana kulingisa mulambu kupwa uze Ikiye atachikijile. “Mwomwo vaze Ikiye atachikijile, Ikiye avasanyikile. Kaha vaze Ikiye asanyikile, Ikiye navavulukila kwoloka. Kaha vaze Ikiye navavulukila kwoloka, Ikiye navangila (hanyima)tohwesa.” Yenu haze vene.

<sup>133</sup> Shikaho echi kayove lyavene kulilamako, chinapu cha likoji lya Kalunga kukulama ove. Ove kawalilwilile ove lyaveneko, mokomoko kakweshi chuma ove walingileko mangana vakulwile. Echi chinapu likoji lya Kalunga lize lyakulwilile ove. Likoji lya Kalunga kukusanyika. Kutachikizaho lyehi cha Kalunga kukutachikiza ove. Ikiye atachikijile nge ove muya nakupwa muli eli liuka ufukuuno, shimbu kanda kwala chihela cha kaye kanda lyehi chipwengako, kachi Ikiye apwa kuzeneka kuputuka na kukumisa. Kachi Ikiye keshiko, Ikiye keshi Kalunga ko. Kachi Ikiye atachikijile vyuma vyosena, Ikiye apwilenga Kalunga. Kachi Ikiye katachikijileko vyuma vyosena, Ikiye kapwile Kalunga ko. Kachi Ikiye apwa Kalunga wa Undume, Ikiye nahase kulinga vyuma vyosena. Kachi Ikiye

keshi kuhasa kulinga vyuma vyosena ko, Ikiye keshi Kalunga wa Undume ko. Ove uze.

134 Shikaho ove muhanjika ngachilihi nge chumachimwe ove muya nakulinga? Echi kacheshi chumako enu munahase kulinga. Echi chinapu zangi ya Kalunga na likoji kuli enu, enu muli na hano. Kwauchi chuma ove nauhasa kulinga, Kalunga akusanyikile ove ha likoji Lyenyi; enu mwevwulilile, kwitavila.

135 “Chamwaza,” enu ngwenu, “Ndumbu walunga Branham, echi chikiko cheji kungulingisanga kupwa chuma chachikalu.” Punduvane mukiko chili. Ove uli wakukasunuka. “Chamwaza, uze mukweze nahase kulinga kala chuma ikiye natondo.” Mukikovene. Ngweji kulinga lwola lwosena chuma Ngwatondo kulinga. Oloze kachi ove uli Mukakulishitu, ove kaweshi kutonda kulinga chakuhengako.

136 Kuli kanyike wapwevo wamundende natwame kunyima kuze ufukuuno, pwevo lyami. Ngwamuzanga ikiye na vyosena vili muli yami. Kaha kachi Ngwatachikijile ngana nge Nanguhasa kupwa na pwevo mukwavo na kupwa nacho, kaha yako umulweza ikiye, kaha hanjika, “Meda, Ngwalinganga chakuhenga,” Unashinganyeka nge Nanguhasa kuchilinga? Kachi Ngwamuzanga ikiye kanawa, Kangweshi kuchilingako. Echi chakwoloka.

137 Jino, kachi nge Nanguhanjika, “Mamalelo, Kangweshi kuhasa kuchilingako. Mwomwo, Nanguya nakumulweka mwomwoika. Ikiye mwakaya nakungulukulula, kaha Ngukwechi... Mamalelo, Nguli mukakunangula. Talenu chuma muka nachiya nakulinga? Chize chinahase kungufumisa mukamenga, kachi ikiye mwangulukulula. ‘Lunga wakulukulula, mamalelo!’ Ngukwechi vana vatatu; Kangwashinganyekele chizeko. Oloze, kanyike walunga, Ngwa...”? Chamwaza, kachi ize ikiko jila yilimo, ove hanga uli mushimbi. Echi kacheshi muchikuku cha lushimbiko nge hakiko Ngwamumbachilile. Echi chinapu chikuku cha jishimbi kungulingisa yami kuyoya mwamuchano kuli ikiye. Echi chinapu mwomwo Ngwamuzanga ikiye. Kangweshi nakala chumako. Nguli nakuchilinga mwakulisakwila mwomwo yinapu zangi. Kaha kachi ove wamuzanga pwevo lyove, ove muya nakulinga chuma chochimwe.

138 Kaha kachi ove nauzanga pwevo lyove nge ngana, na zangi *yauthu*, ika watela ove kulinga kuli Kulishitu na zangi ya *ukalunga*, ize yinapu kapapa ka miliyoni kuzama, kachi ove unazange vene Kalunga? Kachi Ngwatachikijile ufukuuno Ngunahase kuya na kunwa, kachi Ngwatachikijile ufukuuno Ngunahase kulaha nakujinguluka na kupwa vakaujila, kachi Ngwatachikijile, ufukuuno; kachi chize chapwanga mumuchima wami kulinga ngachize, kaha Ngwayile na kuchilinga, kutachikiza Ikiye mwaya nakungukonekela, Kangweshi

kuhasa kulinga echiko. Ngwashinganyeka chikuma hali Ikiye. Ngwamuzanga Ikiye. Punduvene. Punduvene.

<sup>139</sup> Ou ukiko mulonga Kangweshi kuhasa kulanjisa unjiho wami kuli kala chikungulwilo, (nduma, mwane), chipwe Asembuli ya Kalunga, chipwe Liuka lya Kalunga, chipwe Pilgrim Holiness, Mesondisiti, Mbaputishiti, Pulishiteliyan, Katolika. Kangweshi kumbata kalachuma chize vanahane, kupwa kutachikiza. Mwomwo, kachejile na muthuko. Chejile na Kalunga. Nduma, mwane. Kangweshi kuhasa kulanjisa utwatwa wamiko haka chuma cha Elvis Presley's rock-and-roll, mokomoko ha vyuma vya Katolika, mokomoko vyenyi, mokomoko, jimotoka, mokomoko jindola miliyoni, na vyangocho, ikiye mwatambula hakakweji hakakweji. Nduma, mwane. Ngwamuzanga Ikiye. Kaha kachi Ngwa...Kachi Ngwamuzanga Ikiye nge ngana, Nangutwama mumuchano na Ikiye. Kaha kachi Kalunga nangusanyika yami na kusakula, Ikiye nanguhaka chumachimwe muli yami, kaha Ngwamuzanga Ikiye.

<sup>140</sup> Ngunanuka Mukulwane Isler. Enu vosena mwamutachikiza ikiye, enu vavavulu. Ikiye neza hano, mukulwane wa mu Indiana; kwiza hano, kuhema ngita. Omwo kema yami afwile, pwevo lyami afwile, kaha vyosena kupwa hano mungalila yamafuka. Kaha Ngwapwile nakuya mujila, na mavoko ami kunyima yami, kulila. Ikiye atumbukile kufuma muze mwamundende, motoka yamwaka, kaha kwiza nakuhaka mavoko hali yami, ngwenyi, "Billy, Ngwakutonda kukuhula ove chihula." Ngwenyi, "Ngunevunga kunangula palanga nomu namuholoka ha kamenga. Enu mwevwa lyehi mujila ya tiliku na vyuma vyosena, kulila hali Kulishitu." Ngwenyi, "Jino Ikiye ambachile iso. Ikiye ambachile ndumbu walunga. Vapwile vosena vavali, kaha vakiko vafwile mumavoko ove. Ikiye afwile. Pwevo lyove afwile, kukwata mavoko enu. Kaha kema yove afwile, kaha enu muli nakusanyika Ikiye kukukafwa ove. Kaha Ikiye alumukile kunyima Yenye. Washinganyeka muka hali Ikiye?"

<sup>141</sup> Ngwambile ngwami, "Ngwamuzanga Ikiye na vyosena vili mukachi muli yami. Kachi Ikiye mwangutumina hetese, Nanguya lika nakumuzanga Ikiye." Ikiye kupwa. Kangweshi nakuhanjika chize; twende sikisi ya myaka nejikiza. Chize chakwoloka.

<sup>142</sup> Kachi ove wamuzanga Ikiye! Keshi mulimo kahako, uze, "Kangweshi kuhasa kulinga echiko, kaha Kangweshi kuhasa kulinga chizeko." Ove wamuzanga Ikiye chikuma kulinga echi, mwomwo Ikiye nasakula ove. Ove kanda lyehi upwenga na Ikiye, Ikiye akusakwile ove.

<sup>143</sup> Ove ngwove, "Ngwamuhulanga Mwata, kaha kutonda Mwata."

Muthu naumwe pimbi kumona Kalunga. Ali Kalunga, kutonda muthu. Ove unahase kutonda uselewa wa Ikiye, oloze Kalunga atela kwalumuna chisemwa shimbu enu munahase kutonda hanyima ya Ikiye, mwomwo, ove unapu mukashili, ove uli ngulu. Echi chakwoloka.

<sup>144</sup> Kaha enu vamwe vathu kuya kuliuka na kuyoyela haumembala, yako kuno na kulinga vyuma vyosena muno mukaye, kaha jino hanga kukinduluka na kuhanjika, “Yaah, Ngwapandama kuliuka.” Chamwaza, eyi ikiko jila yakuzala kuli Kalunga. Punduvene. Kangweshi. . . Oloze enu mwamono vathu kulinga echi, enu munahase kulweka. Mamalelo, vakiko vanapu va membala vamwaza va liuka. Ou unapu muchano. Enu munahase kupwa membala wa liuka na kulinga vyuma kana, oloze enu kamweshi kuhasa kupwa Mukakulishitu na kulinga vakiko.

<sup>145</sup> Nge omu Ngunahanjika, chimene chino, “Ou likololo wamwaka, kachi muli mukakulyonga, napu likololo.” Echi chakwoloka. Ikiye na katela kuhaka ha chikasha chochimwe, kutwama hachihela chimwe. Kaha likololo wamwaka apwile wakusuuluka omwo ikiye apwile kukasunuka, kaha kulovoka mu Liuka, lize ikiye kuya kuze na kutwama kutwama nyama yakufwa na “kutambakana, kutambakana,” kaha kulya *echi* umwe, kulya kufuma kuli chimbulu, kaha kulya kufumisa kungombe, kaha kalachuma chapwile, ikiye apwile wakusuuluka. Oloze omwo Nowa akasunuine katela, ikiye nahase kuwana kunoka kumahinji eyi. Ikiye apwile na chuma chakwoloka chakuhaka hali kanyama wakufwa nge likololoko, oloze yapwile visemwa vivali. Umwe wavo, ikiye apwile katela, kukuputuka. Ikiye apwile likololo, kukuputuka.

<sup>146</sup> Oloze, kachi enu namutalisa, likololo wamwaka mwatwame hano hali mujimba wakufwa na kulya, chimbwa cha likumbi. Ou katela mwaya nakutwama muwande wa tiliku na kulya, chimbwa cha likumbi. Kaha uze likololo kutuka haze na kulya kulya cha katela, nge omu atondele. Ikiye nahase kulya na tiliku nge likololo nahase, mokomoko, nge omu nahase katela. Oloze ikiye, likololo, kuhasa kulya katela, oloze katela keshi kuhasa kulyako. Echi chakwoloka.

<sup>147</sup> Shikaho, mukakulyonga wamwaka nahase kwiza kuliuka, kaha kuwahilila na kutambakana na kwalisa Mwata, kaha yako lika ngachize, kaha kuya nakukinuluka na kuwahilila na vyuma vya kaye. Oloze Mukakulishitu wakusemuka chachihya kahashile kuchilingako, mwomwo zangi ya Kalunga kumulingisa ikiye kuchihela kana ikiye nahase kulinga.

<sup>148</sup> Shikaho kachi enu muli kaha Mukakulishitu ha kulinunga muliuka, akaha kwecha kulinga *echi* na *chize*, kaha kufwila chimwe chili muli enu, enu munatondo kujimika chikwavo. Chize chakwoloka.

149 Kaha enu mapwevo uze nahase kuvwala na jiputula jajindende, kaha hazevene mujila, kaha jino kulivuluka ove lyavene kupwa “mukakufwelela.” Ove wapwa mukakufwelela, oloze ove unapu chitalilo chachindende hali umwe, pamo. Kachi enu muli vene muli Kulishitu mumuchima wove, enu kamweshi kushinganyeka vyuma kana vize. Kangwalizakamina chuma muka mapwevo vosena veji kulinganga, kaha vanyike vmapwevo vosena kulinga, ove naupwa wakuhandunuka, mwomwo ove wamuzanga Kulishitu chikuma.

150 Ngwahanjikile kuli pwevo likumbi likwavo, muzuvo, kaha ikiye amumbilile mavoko eyi *ngana*, ngwenyi, “Rev. Branham, Nguli kaha wakuzuzuma, muno muzuvo yami. Nguli nakutambuka nakujinguluka.”

151 Ngwashinganyekele, “Sonyi hali ove.” Mu zuvo yove, Kangwazakamako okwo uli. Echi chakwoloka. Kuvwala na kulinga nge pwevo, nge pwevo wakalemesa atela kulinga. Sonyi hali ove. Oloze enu lamenu. . . Yaah, eyi Mbimbiliya ngwayo, “Kachi enu namuzanga vyuma kana, vyuma vya kaye, zangi ya Kulishitu kayeshi muli enuko.” Kaha kachi ove nauzanga Mwata, muchima kaha wove wosena, na mwono wove wosena, na vishinganyeka vyenu, enu namuya nakulama chuma chamajilo, vyuma muli enu. Chize chakwoloka.

152 Kaha enu mukakuzata muliuka, kaha enu veka hano, vase veji kulovoka mujila hano, na kusuuluka mujishingo yove na kutala hali vosena mapwevo. Sonyi hali ove; na kusanyika ove lyavene “vana va Kalunga.” Ngunatachikiza chize chapwile nakwocha, oloze enu mwatela kupwa nakwocha kuhambakana chize chakwocha kuze. Shikaho kachi enu namulinga vyuma kana. . . Jino, enu kamweshi kuhasa kulikafwako kachi pwevo kutambuka mujila, kuvwala cha chimbwa. Ove, kachi uli nakutala, ove uli wakukashiwa kumona ikiye, oloze ove unahase kwalumuna mutwe wove. Eyi Mbimbiliya ngwayo, “Wosena mwatala hali pwevo nakumuvwila lushiu, nalingi ujila na ikiye mumuchima wenyi.”

153 Echa ngumilweke chumachimwe, ndumbu wapwevo wamwaza, ove muya nakukumbulula. Kangwalizakaminako, ove unahase kupwa utoma nge liya. Enu echa kanda mukalinga ujilako na muyachi kana, mukashili, muchiyoyelo chenu. Oloze kachi enu namuvwala, namuya nakukumbulula halikumbi lya Kusopesa ha kulinga ujila na muthu wosena atalile hali ove. Eyi Mbimbiliya yahanjika ngwayo. Kaha kutambuka nakuya mujila, uze ali na mulonga, uze muthu? Nduma, mwane. Ove wapwa. Ove walisolwele ove lyavene mujila kana.

154 Uze pwevo akwechi chihela chachinene. Ali wakujila, kanawa, chihela chamwaza. Oloze ikiye atela kulilama ivene muli ize jila, kupwa na ufwishu nge ikiye atela, nge naye, nge pwevo na upwevo. Omwo upwevo unahokoka, nyima yalifuchi



yahokoka. Kaha ou ukiko mulonga, lelo, lifuchi lyetu lili nakuhetesa, mwomwo ya ujila wa mapwevo jetu. Echi chili vene chakwoloka. Punduvene. Echi chinapu chakupola mukachi ketu, nachiya nakuhokoka.

<sup>155</sup> Chuma ove unatondo kuliwana na ou Mekizeteke lwola lumwe. Amena. Echa Ikiye—echa Ikiye amikisule na kumihana enu vinyo, eyi mbolo, Kuyoya cha Hayamyaka. Kahajino enu namuya nakumona vyuma vyakuhandunuka. Kahajino enu namuya . . . Nachiya nakupwa chakuhandunuka. Enu mwatondo kanyike walunga kulinga . . . kukwimbila, kapyololo ka wolf, mokomoko kalamwosena omwo enu munatondo kuvuluka. Punduvene chiku. Ove muya nakupwa wakuhandunuka.

<sup>156</sup> Kaha enu munalumbununa kugulweka mwakuvwalila nge ngachize, kaha yako kuze, hakala pungu? Enu namuhanjika, “Mwomwoika, kunatutu.” Enu munapu vakakwambulula mijimbu. Echi kakweshi kututako. Sayasi kwinjikiza nge kakweshi kututako. Echi chili . . . Echi chinapu lwiso elu chineza hali enu, ndumbu wapwevo. Enu munahono kutachikiza echi. Kangweshi nakweseka kumikolesa enuko, oloze Nguli nakweseka kukuhuhumuna ove. Mapwevo vaujila vavavulu, kupwa vene vatoma nge omu nahashila kupwa, kanyike wapwevo wamwaza, kutambuka na vakiko vyuma, mujila, kuhona kutachikiza chuma muka ikiye ali nakulinga, mwomwo mukakunangula umwe wakuholoka ali nawoma wa lunga lyove mwahona kufweta muliuka cheka vyakusokesa mulikumi. Kachi ikiye mwahasa kuwana Meuchizandeke, ikiye keshi kuhasa kushinganyeka vize vyumako. Ikiye mwaya na kunangula Mujimbu wamwaza. Kachi nachocha chilambu munyima yavo, ikiye mwaya nakunangula Echi, kalamwosena. Chize chili vene chakwoloka.

<sup>157</sup> Ove chilinge echi, kaha ove kuchilinga mwomwo ize shipilitu ya lwiso ili helu. Kaha enu malunga namuya nakwehela mapwevo jenu kulinga vize vyuma kana, Ngukwechi malutalilo amandende a enu nge muthu. Echi chakwoloka. Echi chakwoloka. Jino, kakweshi numba kuhona kuhambanalisa hali echiko, mwomwo, mokomoko, kakweshi vilinga vyavathu, mwomwo, ou unapu muchano. Kala muthu mwaya nakwecha mapwevo jenyi kulovoka mujila na kulinga ngachize, ndumbu walunga, ove watela kuvwala uvwalo *wenyi*. Echi chakwoloka. Ove, mwomwoika, yami!

<sup>158</sup> Kangweshi nakuhanjika pwevo lyami keshi kuchilingako. Oloze Ngunalumuka nakupihilila na kuchongonona, kuli ovyo Nguli jino, kachi Nanguyoya na ikiye shimbu ikiye ali nakuchilinga. Kaha echi chili vene chakwoloka.

Mama yami, vakiko vanahase kuchilinga omwo vakiko navaheta mapwevo. Kangweshi nakuhanjika nge kaveshi kuhasako. Ngunahono kutachikiza. Chize chinapu kutesekesa

na keke ya Kalunga. Ngunatalilila vakiko kaveshiko. Kachi vakiko navalinga, vakiko navaya nakutambuka ha malombo a tata wakwoloka. Vakiko navaya nakutambuka chiyoyelo cha muthu umwe uze esekele kuyoya mwakwoloka, kachi vakiko navachilinga. Echi chakwoloka. Oloze Ngwatondo kuyoya mwakwoloka, kunangula mwakwoloka, kupwa wakwoloka, kaha kuvalongesa kanawa. Kachi vakiko navalinga chize, vakiko navaya nakuveta jila yavo kuhetese, helu lya kunangula chami, na helu lya Kulishitu, kaha helu lya kuhuhumuna chami, echi chakwoloka, kachi vakiko navachilinga. Punduvene. Echi chakwoloka.

<sup>159</sup> Sonyi hali ove. Kachi ove muya nakuliwana na Kulishitu, meso na meso, kaha Ikiye mwakukisula ove, kaha kuhaka kukisula nakwinjikiza muchima wove, maliyavolo vosena mu hetese mwakulingisa kukuhaka haze cheka. Chize chakwoloka. Ove unalumuna kufuma mukufwa nakwingila Mukuyoya, kaha kufwila chove vihake helu kaha keshi havyuma vyahano hamavuko. Amena. Ngwatela kuseza ou mutwe wachihande. Uli nakuhichisa nakuhitamo. Chosena chakwoloka. Oloze uli Muchano.

<sup>160</sup> Chosena chakwoloka, shimbu natuya jino kulutwe chindende, kahajino etu tuli nakuya nakusoka.

*..chamwenemwene vanapu vana va Levi,..  
vakatambule chamulikumi muufwishi ya upilishitu,  
kaha vanalushimbi kutambula chamulikumi kuli  
vakwavo vathu kutesekesa na lushimbi, nge, kuli  
vandumbwenyi, chipwe vakiko vejile nakufuma  
mumitanda ya Apalahama:*

*Oloze ikiye na chisemwa kavamulavile muzeko  
nge kutambula vyamulikumi kuli Apalahama, kaha  
amukiswile kufuma ikiye nge apwile na lushiko.*

*Kaha na vyosena kulimbalaka na vakukuminamo  
kukisula nakupwa kanawa.*

*Kaha hano malunga kutambula vyamulikumi; oloze  
hano ikiye atambwile, kuli ikiye kukiko nayoyela. Kaha  
Nguli...*

*Kaha nge omu Nangulinga...kuhanjika, Levi  
nawa,..kutambula chamulikumi, kutambula  
chamulikumi, kufweta chamulikumi kuli Apalahama.*

*Mwomwo ikiye apwilenga mumitanda ya tata yenyi,  
omwo Meuchizandeki aliwanyine na ikiye.*

<sup>161</sup> Vilinga vyenu—vyenu kutwala kuli Kulishitu mwakulingisa kuhaka hali vana vove. Kuyoya chove chize ove uli nakuyoya kumeso achiyoyelo chachisaka chove nachiya nakusolola chumamuka nachiya nakupwa hali vanavove. Mwomwo, eyi

Mbimbiliya ngwayo, chize, “Ikiye mwakatambukila upapwoki wa visemi hali vana kuli visemunuino vitanu na viwana.”

162 Jino, tando yayindende, shimbu kanda kusoka.

Kaha *shikangaho* kachi *kukupuka* (kuli *kukupuka* cheka) *vapwile vakumukana wa Levi wa upilishitu*, (*mukiko vathu vatambwilenga lushimbi*,) *chuma muka vanatondo kuze kwiza* chize. . . *kapilishitu mukwavo kukatuka hanyima ya chiyulo cha Mekizeteke, kaha keshi kupwa wakusanyika hanyima ya chiyulo cha Alone?*

163 Lushimbi, lwa chitavisa, talenu, “Mamalelo, ove watela kuchilinga *echi*. Kachi ove kaweshi kulinga *echiko*, ove kaweshi Mukakulishituko. Kachi enu kamwalama sambatako! Kachi kamweshiko. . . Kachi enu namulya nyama! Kachi enu namulinga *vyuma* evi!” Jishimbi josena eji. “Kaha ove watela kuya kuliuka. Kachi ove muhona, ove kufweta ndando yawo. Ove watela kulinga nganda.” Vize vyuma vyakuhona mangana. Ove vakulwila ha likoji lya Kalunga, ha kutachikizaho lyehi cha Kalunga, ha kutongola Chenyi. Kalunga amuvulukile Apalahama ha kutongola, ha kutachikizaho lyehi. Ikiye asanyikile. Ikiye vamujinjile Esau, kaha ngwazanga Yakova, shimbu kanda umwe asemuke. Echi chakwoloka. Echi—echi chinapu kutongola cha Kalunga echi kutachikiza vyuma kana.

164 Enu ngwenu jino, “Mulimo uka wakuya kulihi Mujimbu wamwaza?”

165 Jino Nanguhanjika kuli enu, echi. Paulu akumbulwile echi, mokomoko Yesu alingile, vene. Hano jino Yesu. Ikiye ambile ngwenyi, “Ou Wangana wa Melu unapu nge muthu uze ayile kuli echi, na—na kutala mokomoko chijiva, kaha kumbilamo lyoji. Ikiye akokelelemo. Kusali yachize, ikiye apwile tupeza. Ikiye apwile na suwangongo. Ikiye apwilenga na manoka. Ikiye apwilenga na misulu. Ikiye apwile vizunda. Ikiye apwile na tuuwuvi. Ikiye apwile na makuvi. Ikiye apwile na—na ishi.” Jino, uze lunga kuta kaha.

166 Ou ukiko Mujimbu wamwaza. Hano jino, Nguli nakunangula Mujimbu wamwaza. Ngweji kumbila lyoji. Nanguchikoka echi, Nanguhanjika, “Vyosena vize naviya, wosena, echa ikiye ezenga.” Haze kwejile vamwe, kukamenga. Vakiko vosena kusukama nakujinguluka kamenga. Vakiko kulomba. vakiko kulila. Ngunahono kutachikiza umwe namukwavo. Echi kacheshi mulimo wamiko. Kangwatumine kusopesako.

167 Oloze, kuli vamwe muno vanapu vizunda. Muli vamwe vanapu misulu. Kuli vamwe vanapu manoka. Echi chili, vamwe, tupeza. Kaha kuli vamwe vase vanapu ishi. Kaweshi mulimo wami wakusopesako. Ngwambile ngwami, “Tata, hano hakiko Ngwafumisaho.”

168 Oloze, chizunda chimbotwe apwilenga chimbotwe, kukuputuka.

169 Uze kavwuvi, uze kavwivi wamwaka mwaya nakutwama kuze nakuya nakutala kujinguluka, shimbu yayindende, kujingulula meso amanene, tala nakujinguluka, kuhanjika, “Munatachikiza chuma muka? Ngukwechi kaha Echi nge Nanguhasa kwimana.” Kalakasha, kalakasha, kalakasha, kalakasha, vakiko navaya.

170 Linoka lya Pwevo wakalemesa wakashinakaji kukatula mutwe wenyi, kaha kuhanjika, “Chamwaza, munatachikiza chuma muka? Kachi vakiko navaya nakunangula nge ngachize, kuvwala jiputula na vyuma, chize nachingumbata. Shikaho Nanguya nakufuma kuli mukuta wava kakulyalanga vakakujila. Mukiko kaha chatela kupwa.” Ove wapwile linoka kukuputuka. Mukiko vene. Yaah.

171 Kaha hano hanatwame mukulwane chizunda, na likanya lyalinene mukanwa, nge ngombe wachipwevo wakuzeneka mbinga wamu Texas, kwimana nakutala nakujinguluka, nakuhanjika, “Chamwaza, kachangupaisa yami kunwa makanya. Nanguya nakufuma muchuma kana, hano vene.” Chamwaza, ove chizunda chimbotwe wamwaka, ove wapwilenga na. Echi chili vene chakwoloka. Echi chili vene chakwoloka.

172 Chizemwa chove kwinjikiza ove uhiya. Chiyoyelo chove kusolola, kusolwesa ove unapu uhiya, kaha mukuputuka. Echi kacheshi chachikalu kuli yamiko. Echi kacheshi chachikalu kuli enu kumona echi.

173 Kachi Ngwayile kuze kuli Roy Slaughter uze jimi umwe natwame hano, kaha Kumona vangulu kulovoka mulimba, kulya manuwa, Kangweshi kushinanyeka nachumako chachipi hali chize. Ikiye napu Ngulu kaha. Oloze kachi ngwamono mukoko haze hamanyuwa, Nangulikomokela. Huu-hu. Talenu? Kanda kulizakamina, ove kaweshi kuhasa kumumonako. Ikiye kahashile kwimanako. Echi chakwoloka.

174 Kaha muthu uze wakusemuka ku Shipilitu ya Kalunga kufumisa vyuma vya mukaye. Echi chakwoloka, “Mwomwo kachi enu namuzanga kaye mokomoko vyuma vya kaye, zangi ya Kalunga kayeshi muli enuko.”

175 Kachi Nangutambuka na mapwevo kala likumbi, kaha kwiza nakwingila, kumulweka pwevo lyami Ngwamuzanga ikiye, ikiye mwatachikiza Ngwapwa mukamakuli. Vilinga vyami navihanjikila helu kuhambakan mazu ami. Punduvane. Nguli nakwinjikiza kuli ikiye nge Kangwamuzanga ikiyeko, mwomwo Kangwapwile wamuchano kuli ikiyeko.

176 Ikiye angulwekele yami ikiye anguzangile yami, kaha lwola lwosena Nanguya, ikiye ambachile na muthu weka nawa, echi nachiya nakwinjikiza nge ikiye keshi kanguzanga yamiko. Chakwoloka. Vilinga vyenyi kwinjikiza echi.

Kangwalizakaminako kapapa kangahi mwangulweka, “Bill, Ngwakuzanga ove, kaha kakweshi umwe muno mukaye oloze ove,” Ngunatachikiza ikiye apwa mukamakuli.

<sup>177</sup> Kaha omwo ove mweseka kuhanjika, “Mwata, Ngwakuzanga Ove,” kaha kulinga vyuma vya kaye, Kalunga atachikiza nge umukamakuli, kukuputuka. Shikaho mwomwoika? Nawitavila ngachilihi chimbwa chakutachikiza chamwaka, nachumachimwe chikwavo nge ngachize, omwo utangatanga waunene wa Mwilu unazale na vyuma vyamwenemwene? Mwomwoika enu munazangila kupwa vakuhutwa, kulivuluka, chimbwa, wakutelaka cha chimbwa, vavavuluka kupwa Mukakulishitu? Omwo, ove unahase kusemuka chachihya mwana Kalunga, na kuwahilila cha Mwilu kutambuka mumuchima wove, kuwahilila, na kwalisa Kalunga, na kuyoya chiyoyelo cha kuhasa kuhichila muli Yesu Kulishitu.

<sup>178</sup> Kanda kweseka kuchilinga ove lyavene, mwomwo ove muya nakuhona, kukuputuka. Oloze mbatenu Ikiye, Linapu Lizu Lyenyi, kaha navosena vize Ikiye ahanjikile kupwa Muchano. Kaha kufwelela Ikiye, kaha kumuzanga Ikiye, kaha Ikiye mwaya nakuzata vyuma vyosena vili vya kwoloka kuli enu. Echi chikiko. Echi chikiko chishinganyeka.

<sup>179</sup> Ou Mwata kukisule. Kangwazangile kukwambako, oloze, ndumbu walunga, chinawahe kukwamba chindende. Enu munapu vami vavandende. Talenu? Kaha kala tata azanga vana venyi pundu mwavolola, mokomoko kaha keshi kanawako kupwa tata. Echi chakwoloka? Echi chakwoloka. Kaha tata ali na kuyula, kaha echi chinapu kuyula hembo. Kaha Kalunga atwama na umwe na kuyula, kaha eli linapu Lizu Lyenyi.

<sup>180</sup> Kachi etu twafwelela Lizu Lyenyi, kahajino etu natuya nakuyoya na Lizu Lyenyi. Ou unapu mulimo wetu, kachi etu natupwa nakuliwana na Kalunga. Keshi mwomwo ove ngwove, “Chamwaza, Nanguya kuliuka, kaha Ngwatela kulinga *echi*.” Ove wapwa mukakumona lupi. Kanda kulinga ngachizeko. Mwomwoika enu munatondo kupwa vakuvindama, vakuzeneka kalemesa, vakuzeneka kumukomoka kalunga nge likololo, ohonyi enu munapu katela? Punduvene. Enu mwatela kupwa na chisemwa chenu. Kaha ove kwalumuna chisemwa chove, nakwiza nakupwa mwana walunga na pwevo wa Kalunga, pwako wakuunda na Kalunga.

<sup>181</sup> Yesu! “Shikaho Yesu nawa, mangana Ikiye akasezele vathu na Manyinga Eyi Ivene, vakuyanda chakuzeneka vikolo,” Hepeleu 13:12 na 13. Loma 5:1, “Shikangaho kupwa wakuvulukila kwoloka ha lufwelelo,” keshi ha kulimeneka mumavoko, keshi ha lujimiko lwa meyako, keshi kuhaka mavoko, keshi na kutambakana, keshi nakuhanjika mumalimi, keshi na kala vishinganyeka. “Oloze kupwa wakuvulukila kwoloka ha lufwelelo, etu natupwa na kuunda na Kalunga

kuhichila muli Mwata wetu Yesu Kulishitu.” Etu twahichile mukufwa nakwingila mu Kuyoya, kaha nakwiza nakupwa tengeso yayihya, mwomwo etu tunafwelela hali uze Mwana walunga lya Kalunga, na kwitavila Ikiye kupwa Mulwilo wetu. Kaha Manyinga Eyi vilinga, ufukuuno, kupwa mukakukuka shili jetu, kwimana muchihela chetu.

<sup>182</sup> Mu Tesitamende Yamwaka, kuli kaha chihela chimwe chatela kulikata, chize chili mwishi ya manyinga. Kala mukakufwelela atela kwiza nakupwa mwishi ya manyinga. Omwo ngombe uchila vamujihile, ikiye apwile wa mulambu wa shili. Ikiye atela kupwa uchila. Kaha kapetulu 19 waku Kulovoka, kachi kala muthu enu munatondo kutanga echi. Kaha ikiye vatela kumumbata, jisende, vyosena, kuvyocho hamwe. Kaha jino uze vamulingishile kupwa meya akuhandnununa. Vamujihile kusali ya chikolo. Chatela kupwa kumukwata namavoko atoma. Aze manyinga auze ngombe alivangile kuya kulutwe. . . kuchikungulwilo, kaha kuwasapwile kapapa katanu nakavali haze hachikolo. Kaha jino, kala muthu wakujiluluka kutambuka, vatelele kutachikiza na kumona aze manyinga, kaha kutachikiza nge kuli kaha kulikata mwishi ya manyinga. Chize chikiko chihela kaha chakulifukwila kaha unahase kulifukula hatoma, chapwile mwishi ya manyinga.

<sup>183</sup> Kahajino, chuma chatete ikiye atela kulinga, shimbu kanda ikiye ezenga mwishi ya manyinga, kuze kwatela kupwa meya kauhandnununa kumwangila hali ikiye, kaha kutomesa vachilingile.

<sup>184</sup> Kaha vakiko vambachile meya akuhandnununa na kusapwila hali uze muthu wakuvulumuna, kaha kumuhandnununa na kumufumisa kushili. Kaha jino ikiye atambukile mwishi ya mikiki yitanu nayivali ya manyinga, kaha apwile na kulikata na vakakufwelela vosena Kumeso a Kalunga.

<sup>185</sup> Kuli kaha jila yimwe yakulinga. keshi kulimeneka mumavoko, keshi kulinunga na liukako, keshi hamalujimikoko, keshi omu nguli nakwivwa; oloze kutambuka helu lya meya chihandwa, kuhaka mavoko enu, ha lufwelelo, hali mutwe wa Yesu, na kuhanjika, “Yami mukashili, kaha Ove wafwile muchihela chami. Kaha Chumachimwe muli yami cheji kungulweka yami nge Ove muya nakungukonekela shili jami, kaha Nanguya nakwitavila Ove kupwa Mulwilo wami jino.” Kutambuka mwishi ya Manyinga, kuze, kulikata na vana wa Kalunga. Mukiko kaha. Kulya mbolo, kunwa vinyo, na kupwa na kulikata hamwe na liuka.

<sup>186</sup> Mamalelo, kumana Ikiye keshi wamwazako? Kumana Ikiye keshi wamwazako? Jino, echi chinahase kupwa chaungeji kuli ove, sepa. Oloze chumamuka—chumamuka Nangwimana hano na kuhanjika vyuma kana hali evi?

Nanguya Nakuhanjika vakiko kweseka kulilingisa yami lyavene kupwa wakuhandunuka kufuma kuli muthu weka? Kachi Nangulinga, kahajino Ngwatondo kupihilila na kwalumuka. Nguli nakuhanjika Echi mwomwo Kalunga ambile ngwenyi Echi, mwomwo Linapu Lizu Iya Kalunga. Kaha ivwulilenu. Kuli nakwiza lwola, kaha jino kululi, omwo vathu navakaya nakufuma mumututuko nakuya kumulauko, kweseka kuwana Lizu Iya Kalunga, kaha kalyeshi kuhasa kuwana Echiko.

<sup>187</sup> Omwo enu namuya nakwingila mukuliwana, chuma chatete mwatela kulinga, enu yenu kuze kaha vakiko kupwa na lizavu Iya vakamaimi na kulumbununa, kaha muthuumwe kukatuka na kulama Chisoneka; kaha chize chinapu chisemwa. Mukikovene. Kalunga ambile kuli etu “kanda kuzachisa mazu akuhilwisako,” chuma muka Ikiye? Kachi Ikiye asonekele Echi lwola lumwe, ove wafwelela Echi. Ikiye katela kuhanjika Cheka. Malimi na kulumbununa chakwoloka, oloze chatela kupwa mujimbu wakutwaminyina kuliuka na muthuumwe, keshi kupwa muchisemwa na vyuma nge ngachize. Kaha jino enu yenunga kulutwe muvyuma vyosena evi.

<sup>188</sup> Hano likumbi likwavo, malunga vavali vatambukile nakwingila...kaha lunga na pwevo, na mukwavo lunga na pwevo, kupwa kaha mukweze wakumbata, kutambuka nakwingila muchihela, kuya kulitungu Iya Africa nge kamishonali. Muthuumwe emanyine na kuhana upolofweto, kaha ahanyine malimi na kulumbununa, nge, “Vakiko vapwilenga na pwevo mukwavo.” Chize, “Echi kacheshi kupwa mujila kanako. Vakiko veji kumbatanga muthu wakuwenga.” Kaha vaze vathu vavali vahandunukile na kulimbata cheka, cheka nawa. Lunga umwe ambachile pwevo mukwavo, mukwavo, mukutwaminyina chikungulwilo cha Chipendekosita, kaha kuya ku Africa nge kamishonali.

<sup>189</sup> Ndumbu walunga, omwo enu namumbata lushingo, enu mwatela kupwa vakukashiwa kuli luze lushingo palanga kufwa numba ukasunuke. Mukikovene. Punduvene. Omwo enu namulishinga, chinakashiwa.

<sup>190</sup> Vosena vaze, chakuzeneka mangana! Kaha kuya kuchihela chimwe palanga owmo enu namuya kumauka, chipwe kunatutu nakuzuma na kwachau, palanga thermometor yamushipilitu nayiheta fifite nakushikumuka zero. Ava vathu vanatweme kaha nge ukumba hachivukunyu, nge vangangamina na vakuhandnuka kaha vakuhandunuka. Kaha kachi enu namwivwa muthuumwe, kunyima okwo muze mumbango, pamo kulingako ka “amena” kakandende kamwe mulwola, nge unavakolesa, vosena muli vakiko navaya nakumbila mujingo javo nge tulukuluku, kutala nakujinguluka, talenu chuma muka chasolokele. Munatachikiza nge ou unapu muchano. Kangweshi nakuhanjika nge useseko. Chino keshi chihela chauseseko.

Ou ukiko Muchano. Chakwoloka. Ngulinakuhanjika mwomwo unapu Mujimbu wamwaza wa Muchano.

191 Kaha kusali yikwavo, enu namumbata lizavu lya vakauzeneka mangana vakwivwa chakumujimba nakutwalilaho, kaha Lizu lya muchano lya Kalunga makumishilo kuwana chihela chalyo muze nauwana vavandende Kulivwulila: mukachi kamwaka ka jila, Mujimbu mwaza, ikiye Kumunyika cha mujila yami, haleluya, aze Manyinga a Mukoko, eyi zangi ya Kalunga yeji kutuhandununa etu kufuma kuvyuma vya kaye.

192 “Ove wahanjikile mumalimi, ndumbu walunga? Ove kaweshi na Echiko. Kutala mwatambakananyine palanga kututa chafumine kunyima yove? Mwamwene jinguja jakakahaya?” Mamalelo, chakuzeneka mangana! Kakweshi chuma changochoko.

193 Ove unafwelela hali Mwata Yesu Kulishitu na kwitavila Ikiye kupwa Mulwilo wove? Kaha Shipilitu ya Kalunga yeji kusolola na shipilitu yove, nge enu munapu vana vamalunga na vmapwevo va Kalunga. Kaha chiyoyelo chove cheji kwima mihako ya zangi, kuwahilila, kuunda, kuvandamina chikoki, kuwaha, kuvova, kuliunjika. Kahajino ove uli Mukakulishitu. Kachi echi kacheshi, Kangweshi kuzakamako kala chuma muka muli nakulingila.

Paulu ngwenyi, “Ngunahase kuhana mujimba wami kukuwema nge mulambu. Ngwatachikijile mangana akuswamana a Kalunga. Ngunahase kutambuka jipili na lufwelelo lwami. Ngunahase kuhanjika mumalimi nge malunga na Vangelo. Kangweshi chumako.” Ngachilihi echi? Kolinde Watete 13; wakuwana kachi Echi chakwoloka mokomoko nduma.

194 Jino kuwana kachi—kachi Kolinde, Kolinde Wamuchivali 13, Ngwafwelela echi kupwa. Mokomoko, chamwaza, chinapu chipwe Kolinde Watete mokomoko Kolinde Wamuchivali. Kolinde Watete kuze, Kolinde Watete 13, echi chakwoloka. “Chipwe Nanguhanjika na malimi avathu na Vangelo,” vosena muyachi uze vanahase kulumbununa chize, kavahashile kulumbununako, “Kangweshi chumako.” Shikaho kuwaha muka chili kwenyeka lwola nachize, jino?

195 “Chipwe Ngunevwushisa mangana akusweka a Kalunga.” Mwomwoika ove nauya kumashikola na kweseka kulinangula chikuma? Ove watela kupwa wakwoloka na Kalunga, chatete. Punduvene. “Chipwe Yami, ‘Mamalelo, wakukisula haleluya!’”

196 Enu mukwechi shikaho enu kamweshi kuhasa kupwa na chikungulwilo kuvangila enu namupwa nakunangula cha kuka mokomoko muyachi wachumachimwe chakufwana nge vikomwesa. “Chisemunuino cha kuzeya kaha chaujila cheji



kutondanga chuma chochimwe.” Chuma muka ove unatondo na chize?

197 Paulu ngwenyi ikiye nahase kulinga vyuma vyosena, chipwe kutambuka jipili, kaha chochimwe ikiye keshi chumako. “Kuze kuli malimi, nawakakuma. Kuze kuli chinyingi, nachikakuma. Kuze kuli upolofweto, naukahona. Oloze omwo chize chakukupuka nachikeza, nachikelila haya myaka,” kaha zangi yikiko kukupuka. “Kalunga shikaho azangile kaye, mangana Ikiye ahanyine Mwanenyi umwe kaha lyamunwe, nge,” mwošana mwachikima, wosena mwalinyikisa, wosena mwahanjika, wosen-...? “wosena mwafwelela muli Ikiye akazeneke kunonga, oloze akapwe na Kuyoya cha Hayamyaka.” Kufwelela echi, vana.

198 Vakiko kweseka kukumisa, *evi* vyuma na *vize* vyuma. Omwo, nayikinduka nakushikumuka muchuma chimwe: lufwelelo lwove hakapanji muli Kalunga. Mukiko kaha. Mukiko nachambulula. “Ha lufwelelo,” keshi ha kwivwa. “Ha lufwelelo,” keshi ha kutambuka cha mujimba. “Ha lufwelelo,” keshi ha kwivwa cha mumujimbako. “Oloze ha lufwelelo ove vanakulwili; kaha chize ha...” Mwomwo ove unahulu Mwata? Mwomwo ove wapwile muthu wamwaza? Mwomwo, “Kalunga, ha likoji, akutachikijile na kukutongola ove mu Kuyoya cha Hayamyaka.”

199 Yesu ambile ngwenyi, “Kakweshi muthu mweza kuli Yami kuvangila Tata Yami namukoko ikiye. Kaha vyosena naviza kuli yami, Nanguya nakumuhana Kuyoya Chahaya myaka yosena. Naumwe muthu mwahasa kuvafumisa mulivoko Lyami. Vakiko vanapu Vami. Vakiko vali hayamyaka vakulwila. Ngvakwechi vakiko. Naumwe muthu mwahasa kuvafumisa mulivoko lya Tata Yami, kaha Ikiye napu Umwe uze anguhanyinevo Yami. Vakiko vanapu mawana a Ami.”

200 “Kaha Ikiye atachikijile lyehe, Ikiye avasanyikile.” Ikiye kasanyikile kala muthu kuvangila Ikiye amutachikijile. “Vosena Ikiye asanyikile, Ikiye avavulukilile kwoloka; vyosena Ikiye avavulukilile kwoloka, Ikiye amutohwesele.” Shikaho, mwamono, etu kupwa kaha vakukupuka.

201 Jino, Ngunatachikiza kuli jishimbi jajivulu hano, nayite peseti ya enu. Oloze, tala, kachi enu namuya nakumbata Echi na kutachikiza nge Kangweshi nakweseka kuhanjika enu chumachimwe.

202 Kahajino ove ngwove, “Chamwaza, Ndumbu walunga Branham, Ngunapunga lwola lwosena nakushinganyeka Ngwatela kulinga *echi* kaha Ngwatela kulinga *chize*.” Kuli chuma chimwe—cha chihandwa muli echi, ndumbu walunga, chuma muka ove watela kulinga na chuma ove unatondo kulinga. Ove vakulwilile, keshi mwomwo ove wapwanga nachuma chimwe na echi. Ove vakulwilile mwomwo Kalunga akulwilile shimbu kanda chikuku cha kaye.

203 Ivwulilenu, ivwulilenu hano, eyi Mbimbiliya ngwayo, mu Kusoloka, Nguli nakuya nakumimbata chatete nakusongo jino, eyi Mbimbiliya ngwayo, mu Kusoloka, chize, omwo chisuma ejile, “Ikiye apolofwetele vosena hano hamavu,” uze chisuma alingile, “ikiye apolofwetele vosena hano hamavu, vaze majina avo vazeneka kusoneka mu Mukanda wa mwana Mukoko wa Kuyoya,” Kufuma hakuputuka kuhizumuka, echi chinevwakana kupwa hakwoloka? Chamwaza, kufuma kuli mukakunangula kunangula mujimbu wangolo? Kufuma haze uze lunga apwile wakuhinduka? “kufuma kukwala chikuku cha kaye.”

204 Kuze kwapwilenga Yesu wakujiha lyehi, ha Kavali? Nduma, mwane. Yesu vamujihile shimbu kanda kwala chihela chahamavu. “Tala mwana Mukoko wa Kalunga, uze vamujihile shimbu kanda kwala chihela chahamavu kanda.” Kalunga, mukuputuka, omwo Ikiye amwene shili, Ikiye amwene omwo chasolokele, Ikiye ahanjikile Lizu. Kaha Yesu vamujihile shimbu kwala chihela chahamavu. Kaha kala muthu vamulwilile, vamulwile, kutesekesa na Mbimbiliya, omwo mwana Mukoko vamujihile muvishinganyeka vya Kalunga, Shimbu kanda chikuku cha kaye. Enu mwapwile kuhakako mu Ulwilo jino. Shikaho nauya nakulinga ika hali Echi?

205 Ali Kalunga. Wakukisula pwako Lijina lya Mwata! “Echi chinapu Kalunga wakuzata; keshi ikiye uze mwaya muchima mokomoko hiya mwalaha, oloze Kalunga kusolola keke.”

Kachi Yesu vamujihile shimbu kwala chihela chahamavu kanda, chapwile myaka fwo sauzande shimbu kanda echi chisoloke. Oloze omwo Kalunga ahanjikile hanyima hano, kala Lizu lya Kalunga lya shikule. Echi chinapu wakulikangula. Echi chili nakuhaka. Echi kacheshi kuhasa kuhonako. Kaha omwo Kalunga ajihile Mwana shimbu kanda chikuku cha kaye, Ikiye apwile wakujiha chikuma nge Ikiye apwile kukavali. Chinapu chuma chakukuma, omwo Kalunga ahanjikile ngocho. Kaha anuka, omwo mwana Mukoko vamujihile, ulwilo wove vamuhakile muli mulambu, mwomwo Mbimbiliya ngwayo lize lijina lyove lyapwilenga “Kusoneka ha Mukanda wa mwana Mukoko wa Kuyoya shimbu kanda chikuku cha kaye.”

Ngachilihi echi? Kahajino etu natuya nakulinga ika? Ali Kalunga uze eji kusololanga keke. Ali Kalunga akusanyikile ove. Ali Kalunga akusakwile ove muli Kulishitu shimbu kanda chikuku cha kaye. Yesu ngwenyi, “Ove kanda—ove kanda kungusakwile Yami ko. Ngwakusakwile ove. Kaha Ngwatachikijile, shimbu kanda chikuku cha kaye.” Yenu haze.

206 Shikaho, talenu, echi cheji kufumisa woma muli enu. “Mamalelo, Ngwalikomokela kachi Nanguhasa kukwata? Nanguya nakucholola, Kalunga, kachi Nanguya nakukwachililako.” Echi kacheshi nge Nangukwatako, mokomoko nduma. Echi chipwe Ikiye akwachile, mokomoko

chiku. Echi chikiko—chumamuka Ikiye alingile, keshi omu Ngwalingile. Muze mukiko Ikiye alingile.

Nge mwishi ya lushimbi lwa kusokoka. Echi chinapu chuma chachindende Ngwatondo kuhanjika shimbu kanda kusoka.

<sup>207</sup> Ngachilihi nge kavalu mwasema chimbulu? Kaha uze chimbulu wamundende kupwa na matwitwi osena avali akushikumuka. Ikiye apwile nameso akuhenga, kaha kushikumuka hamambuli, kuhenga cha mahinji. Mukila wenyi kuhwingisa mupeho. Kanyama kana asolokele ngachilihi! Mwomwoika, kala muthu...Kachi uze chimbulu nahase kushinganyeka, kuhanjika, “Jino, vandamina munyutu kaha. Omwo vakiko vafumine muzuvo chimene chino, Ngulinakumulweka, Nanguya vene nakwalumukila hamutwe mutwe. Mwomwo, vakiko kanda lyehi vangulise. Tala chumakana kusoloka kana chuma kana Nguli. Kangweshi numba na lihanya.”

<sup>208</sup> Chamwaza, echi chakwoloka. Enu kamweshi na lihanyako. “Chamwaza, Ngwasemukile muno mukaye, oloze tala hano chuma kana chaukenya kana omwo Nguli. Shikaho Kangwe—Kangwe—Kangwe—Kangweshi kuhasa kupwa na lihanyako. Kangweshi kuhasako. Kangweshi kuhasako.” Talenu?

<sup>209</sup> Oloze numba naye ali vene vanamulongesa kujishimbi? Ikiye mwaya nakuhanjika, “Mwana, echi chakwoloka. Enu muli vakufuma museteko, kaha enu muli keshi chakutelako kulya chakulya hamavu. Echi chakwoloka. Enu kamweshi kupwa vakutelako. Oloze, mwana walunga, mujila ikwavo, enu munapu chakulivanga. Kaha, munatachikiza, ove unapu wakusemuka mwishi ya lisesa lya kusemuka. Kaha kapilishitu keshi kakumonako. Oloze, ya lijina lyove, kwatela kupwa mukoko wakuzeneka mulonga wakuzeneka kapenga, atela kufwa muchihela chove, mangana ove uyoye.”

<sup>210</sup> Chamwaza, uze chimbulu wamundende nahase kuveta jisende jenyi nakupwa na lwola lwalunene. Kachanehele chihandwa kuchuma ikiye apwile, mwomwo ikiye kanda lyehi amone kuhichila mukusopesa, kapilishitu. Napu mwana mukoko uze kapilishitu kusoloka. Keshi chimbuluko; uze mwana mukoko!

<sup>211</sup> Kaha ali Kulishitu uze Kalunga atala, keshi ngochoko. Napu Kulishitu. Shikaho kachi kuli mulonga muli Ikiye, nakuya nakupwa ngachilihi na mulonga? Kaha Ikiye mwahasa kuwana mulonga, nge ove unafu kaha chiyoyelo chove chili chakusweka muli Kulishitu kuhichila muli Kalunga, wakujikila muli Shipilitu Wajila? “Vakiko vanasemuka kuli Kalunga keshi kulinga shili ko, mwomwo ikiye keshi kuhasa kulinga shiliko.” Ikiye mwahasa ngachilihi shili ohonyi mulambu wakukupuka unasavala muchihela chenyi? Kalunga kanda lyehi atala hali

yami, Ikiye eji kutala hali Kulishitu, mwomwo etu tuli muli Kulishitu.

<sup>212</sup> Jino, kachi Ngwazanga Kulishitu, Nanguya na kuyoya na Ikiye. Ikiye keshi nanguhane yamiko kuvangila Ikiye atachikijile. Kachi Kalunga angulwile yami lelo, kutachikiza Ikiye mwaya na kungujimbalisa yami milungu sikisi kufuma lelo, Ikiye ali nakuhonesa punga Yenyi Ivene. Chakwoloka. Ikiye katachikijileko na kulutwe, kachi Ikiye angulwilile yami, kutachikiza. Chuma muka Ikiye alinakutonda kungulwila yami, hakutachikiza Ikiye mwaya na kungujimbalisa yami? Kalunga keshi kulinga vyuma ko, kahajino mbatenu echi kunyima mujiwiki jivali jahichi, kulama lushiko Lwenyi. Omwo Ikiye akulwilile, elu lwola na Hayamyaka.

<sup>213</sup> Jino, ove unahase kuzata, nakuhanjika, “Mamalelo, eyo, Kalunga vamukisule! Haleluya! Ngwahanjikile mumalimi. Ngwatambakanyine. Ngwamumbachile ikiye. Haleluya!” Echi kachalumbunukile nge enu mukwechi Echiko. Oloze, ndumbu walunga, omwo Chumachimwe nachiza *hano*, kaha ove chikungo na Kulishitu, kahajino mihako ya Shipilitu nayikukavangiza ove. Etu tunevu unjiho, shipilitu yetu na Shipilitu Yenyi, nge etu twapwa vana vamaunga na vamaawevo va Kalunga. Ngwasakwila Chize, masepa.

<sup>214</sup> Nanguya nakukutulika hano ufuku wosena, kuhanjika hali echi. Ngwazanga Echi. Ngwamizanga. Ngwakindulukile ku mbalaka yayindende, lwola ha lwola, kachi Kalunga mwaya nakulama chiyoyelo chami. Ngwatondo kumona enu vakujikiza na kuzama mu Lufwelelo lwakujila. Kangwazangile kumimona enu kupwa vakutapula kukala peho yayindende ya kunangula, kwiza, nakulinyikisa, Kaha kutwalilaho, kaha kupwa na mayinga mumavoko avo, mokomoko mbundu kumeso avo, mokomoko chumachimwe chikwavo, kaha kumona muyachi umwe wa—wa—wa kumunyika shimbu kanda vakiko, kaha vamwe va—va lwiso, nge omu yahanjika Mbimbiliya, “Kuhita mumuchima wenyi, na kumona chuma chimwe.” Echi chakwoloka. Ngwatondo enu kupwa nalijina lya kukola ha Lizu. Kachi echi chili MUKIKO MWANAMBE MWATA, twama na Echi, nachiyoyelamo na Echi. Uze ukiko Ulime Tumime likumbi lino. Kalunga natondo enu kuyoya na Chize. Kachi echi kacheshi mu Lizu ko, kahajino kuvulyama echi. Kuyoya cha Kalunga, yoyela Kulishitu.

<sup>215</sup> Kaha kachi muchima wove wapatuka kujinguluka, munatachikiza kuli chumachimwe chize chasolokele, kukinduluka kukamenga na kuhanjika, “Kulishitu, kutungulula chami...kuwahilila cha ulwilo wami. Nguhanenu yami nge zangi Ngwapwile nacho. Uli nakuhita, Mwata. Kuli chuma chimwe Ngunalingi. Nguhanenu yami cheka, kwimana. Ove Mwata, nachuma chimwe Ngunahase kulinga. Kangweshi

kuhasa kwecha *echi* na kwecha *chize*. Nguli nakutala kuli Ove kufumisa muli yami, Mwata, kaha Ngwakuzanga Ove.”

<sup>216</sup> Kaha kutambuka kufuma kukamenga, muthu wamuhya muli Kulishitu Yesu. Kahajino ove kaweshi kuhasa kukundamina ha liuka lyove ko, kukundamina hali kapilishitu kove, kukundamina hali pashita yove. Ove unandamina ha Manyinga a Mwata Yesu. “Ha likoji ove vakulwila.”

Echenu tulombe.

<sup>217</sup> Mwata, kunangula chosena! Elu lunapu lwola lino liuka kuhona kumbata nyama, kaha cheka mavele a Lizu. Etu tunapunga chikuma muma mavele jino, na kuhana kemba yenyi mutumwa. Oloze etu tukwechi nyama yakukola, mwomwo likumbi lili nakulipandamisa. Lwola lwalunene lunahete lyehi, kaha maukalu asavala mujila. Kaha etu tunatachikiza nge kakweshi kukapwa lwola lwamwazako. Etu tunatachikiza nge etu tuli mukakumishilo. Lwola lwakutwalilaho kuheta na kutwalilaho na kutwalilaho palanga nomu Yesu mwakeza, kutesekeka na Visoneka.

<sup>218</sup> Etu katweshi kuhasa kuvashika vakiko chumako muli echi chiyoyelo. Oloze mu kuyoya kwiza, etu tunahase kuvashika vakiko kupwa Kuyoya cha Hayamyaka kuhichila mu Lizu Lyove, kachi vakiko navaya nakufwelela hali Mwana Kalunga na kwitavila Ikiye kupwa Mukakukuka wavo, nge Umwe Uze emanyine muchihela chavo, nge Umwe Uze ambachile shili javo. Tuhanecho echi jino.

<sup>219</sup> Echa vakakuzeneka kufwelela kwiza nakupwa vakakufwelela. Echa vakakulivuluka vakaliuka, hano ufukuuno, vase vakakulivuluka kulifukula na kuyoya kaha muliuka, echa vakiko vatambule kuhitamo hamwe na Kalunga; nge zangi kana kwiza mumuchima wavo, nge vakiko kukomba jishili, kufwa kuli vavene, kaha vali wakusemuka chachihya na Shipilitu Wajila, kaha kupwa wakuvova na kalemesa, wakuzala, na kuwahilila na kukisula. Kuyoya chiyoyelo kana, palanga vakiko kupwa vamungwa vakiko kulingisa vathu kuvajinguluka, lipwila kupwa nge vakiko. Tuhanecho echi, Mwata, mwomwo etu twalombo echi mu Lijina Lyenyi.

Kaha namitwe yetu yakunongama.

<sup>220</sup> Ngwalikomokela, ufukuuno, kachi kuli umwe hano, kuhanjika, “Ndumbu walunga Branham, kachi Ngwapwanga wakusokesa muujila wa Kalunga lwola luze, Kangweshi, kangweshi, kangweshi kupwa wakuliwana na kuhasa ove muhanjika ufukuuno. Ngwatondo enu kungwanuka mukulomba, nge nanguya nakwalumuna jijila jami, kaha Kalunga mwaya nakwiza nakwingila na kumbata echi chakuzeneka mangana kumufumisa muli yami na kungulingisa yami kupwa Mukakulishitu wamwenemwene”? Unhahase kuzundla livoko ha kulomba, nge enu, kachi namuhasa? Kalunga

amikisule. Kalunga amikisule. Kalunga amikisule, kunyima. Kalunga amikisule. Kalunga amikisule, mwane. Kalunga akukisule, ndumbu walunga. Kalunga akukisule, ndumbu wapwevo.

Wajila, Wajila, Mwata Kalunga wa jita.  
Melu na mavu vinapu vyakuzala na Ove,  
Melu na mavu Nawakakuhita,  
Ove Mwata Helu chikuma.

Wajila . . .

221 Nge omu muli jino nakushinganyeka jino, nge enu muvevwu vakukunyuka nge munapu vakuhenga, kaha enu mwatondo kupwa wakwoloka, unahase kuzundula livoko lyenu, kuhanjika, “Kalunga, ngulingisa yami omu Ngwatela kupwa?” Kalunga akukisule, pwevo wakalemesa wamundende. “Kalunga, ngulingisa yami omu Ngwatela kupwa.” Kalunga akukisule, ndumbu walunga, ndumbu wapwevo, ove, ove okwo uli *hano*.

222 Likumbi lili nakufwa. Ngunatachikiza chili chachikalu, masepa, oloze chinapu chamwaza kutachikiza Muchano jino. Jino mukuhola.

Wajila, Shipilitu Wajila, Mwata Kalunga . . .

Ikiye apwa wakujila, ukawenyi.

. . . wakuzala Ove,  
Melu na mavu Nawakuhita,  
Ove Mwata Helu chikuma.

223 Tata wa Mwilu, omu musana naulauka muchingoloshi, tulyelyenge mumitondo na vamwe vavo vakuzanga. Tujila voseni kuya mumaswa. Vaze tutela hajitambo, helu, shikaho manoka kaveshi kuvayajisa ko kuhita muufuku. Vakiko vatwanatwame kuze nakuhanjika kuli umwe namukwavo vakiko kuya nakusavala. Musana nomu naulauka.

224 Likumbi limwe etu tuli nakwiza nakushikumuka muli elu lwola. Eli likumbi lili nakuya nakusoloka. Ngunahono kutachikiza omwo, Mwata. Oloze kuli vathu hano ufukuuno vali kukunyukisa nge vakiko vali vakuhenga, kaha vakiko vanatondo kwiza kulichize chihela, nge Lincoln kwiza kuli echi aomu apwile nakufwa, ambile ngwenyi, “Alumuna meso ami kukulauka chalikumbi.” Kaha ikiye aputukile, “Tata Yetu Hiya Mwilu.”

225 Nge omu chapwa kusoloka cha kashinakaji, “Echi chikiko kufwa? Echi chikiko kusoloka cha likumbi.”

226 Ove Umwe Wahaya myaka na myaka, kuyitambula jino, ha lufwelelo, shimbu vakiko kutwama muze muvitwamo vyavo. Ove kuveta hamichima yavo, muchitwamo. Uze ikiye kamenga kavo. Elu lukiko lwola hali Enu kuvatambula, kaha jino. Enu ngwenyi, “Wosena mweza kuli Yami, Kangweshi kukahangako.”

227 Kaha likumbi limwe omwo musana naulauka, pwevo na lunga vanema kukahela, vandotolo kutambauka nakuya. Ove Wajila, Wajila, echi chamwaza, chaupahu chikuma, shimbu kanda musana utwame. Omwo etu natukulisa na kuhanjika:

Musana na Tanganyika wa Chingoloshi,  
Kaha umwe kusanyika yami!  
Kaha echa vapwenga nakukupwa kuchapu cha  
wala,  
Omwo Nangulovoka mukalungalwiji.

228 Ove Kalunga, tuhanecho echi kuli eyi ola shimbu vakiko navavandamina, kuvandamina kukisula cha Kalunga kwiza hali vakiko. Mbata matoto osena, kaye kosena, kufuma muli vakiko, kaha kutenga muli vakiko muchima wauhya. Ove ngwove, “Yami nangumbata muchima wamwaka, na kuhaka mumuchima wa nyama. Kaha Nanguhaka Shipilitu Yami mumuchima uze, kaha vakiko navakaya nakutambuka mu vilika Vyami na kulama jishimbi Jami.” Mwomwo, echi chinapu chiyulo cha zangi, kaha keshi hamulimo ko. Echi chinapu zangi ya zangi. Kaha zangi kutunwa etu kulinga echi. Echi chinapu zangi, kutulingisa etu. Ou unapu mulimo wakukavangiza zangi. Kaha Ngwalombo, Kalunga, nge Ove uyenga nakutuhana muchima wosena azundule livoko ufukuuno.

229 Kaha vase vakanyine mavoko avo, echa vakiko jino, ha likoji, katulenu mavoko avo kwitavila Enu, kaha kupwa vakuzala na Shipilitu Yove mukovova, kuyema, kuhola, jila yakulikehesa; kaha kupwa wakuzala na likoji, yenu nakulovoka hano kwalumuna muthu. Omu tujila navaya nakwimba myaso yakuhandunuka, hanyima ya elu lwola, Ove Mwata Wa Kulitulaho.

Wajila, Wajila, Wajila, Mwata Kalunga wa  
mavu.  
Melu na mavu vinapu vyakuzala na Ove,  
Melu na mavu Kukwalisa,  
Ove Mwata Wa Kulitulaho.

230 Munatachikiza jino na mitwe yakunongama mitwe yenu, enu mwazundulanga mitwe yenu mangana vamyanyuke mulomba, muli nakwivwa nge Kalunga nahanjika kuli enu mujila kaha jino, keshi ha kutachikiza, oloze kulinga chumachimqwe mujila yakushikumuka muli enu, ove uli nakwivwa nge Kalunga nakuhane ove Kuyoya cha Hayamyaka? Enu namwivwa nge enu muli nakuya nakulovoka muliuka ufukuuno nge muthu wakuhandunuka? Munahase kuzundula mavoko enu kunyima ufuku uno? Kalunga akukisule, mwana walunga. Kalunga akukisule, ndumbu walunga. Kalunga akukisule, ndumbu wapwevo. Kalunga akukisule. Echi chakwoloka. “Nanguya kufuma muliuka, ufukuuno, muthu wamuhya.” Vakemba vamukusemuka mu Wangana wa Kalunga.

<sup>231</sup> Chasolokele ngachilihi? Ngunatachikiza echi chinapu chiyulo kwiza kukamenga. Echi chinapu kamenga ka Mesondisiti, mangana ka Mesondisiti, mangana Ngwatwale. Echi chapwile chakuzama mu liuka lya Mesondisiti, mumakumbi a Yowano Wesley. Echi kachapwile mumakumbi a Mbimbiliya ko. “Vavavulu vafwelele vavahakilileko ku Liuka.” Ove unahase kufwelela kwosena okwo uli, muwande, kulovoka nakuya mujila, mwosena. Kala kwosena, echi kacheshi kuneha chihandwako, shikaho chochimwe nge omu ove mumwitavila Kulishitu kupwa Mulwilo wove. Echi chinapu kuzata cha Shipilitu Wajila uze mweza mumuchima wove. Omwo enu mwamufwelela Ikiye, na kwitavila Ikiye, enu mwahichile mukufwa nakwingila mu Kuyoya, kaha enu namwiza nakupwa tengeteso yayihya muli Kulishitu Yesu.

Ivwulila kuli yami, Ove Mulwilo,

Jino imana namahiji ove.

...kulila chami chakulikehesa;  
Shimbu veka vali nakusanyika Ove,  
Kanda munguhitako.

<sup>232</sup> Jino Ngwatondo vupu lya lunga na pwevo wakalemesa, ou Ngunamono kupwa pwevo lyenyi, uze nemika livoko lyove, Ngwatondo ove kuzundula livoko lyove cheka kuze; mwana, na uvwalo uchila, kaha pwevo wakalemesa, vase vamwitavilile Kulishitu kupwa Mulwilo wavo. Uze mukweze walunga natwame hano muchitwamo, kwitavila Kulishitu kupwa Mulwilo wenyi, kwivwa nge Kalunga amulwilile ikiye. Kaha veka kukinduluka muze nakuzundula mavoko avo, nakuvasangula cheka shikaho vathu vanahase kutala nakujinguluka, pwenu na kulikata na ove.

<sup>233</sup> Kulimeneka mavoko, muthuumwe kujinguluka, kwimana navakiko. Kuhanjika, “Kalunga amikisule. Ngutande mu Wangana wa Kalunga, ndumbwami walunga, ndumbwami wapwevo.” Kulikata, echi chikiko etu tunatondo. Kalunga akisule...Limenekenu mumavoko na ou mukweze muno muchitwamo. Ou Mwata apwenga na ikiye. Echi chakwoloka. Etu twakwitavila enu mukulikata cha Shipilitu Wajila.


<sup>234</sup> Kachi enu kanda vamijimike, kaha munatondo kumijimika, kulingisa jila yove kukatuka na kumulweka pashita hali echi. Chize chijiva hano chikwechi meya muchikiko, ufukuuno, kachi ove unatondo kupwa vakujimika. Vyuma vyosena vili vya kulizanga. (Enu mukwechi lujimiko, mukala sali?) Oloze chijiva chili chakulizanga lyehi, kachi kalamuthu natondo kupwa wakujimika. Eyi Mbimbiliya ngwayo, “Pihililenu nakwalumuka, muthu wosena muli enu, kaha pwako wakujimika mu Lijina lya Yesu Kulishitu chakuneha kujimbangana shili jenu, kaha enu namutambula wana wa Shipilitu Wajila. Mwomwo lushiko luli kuli enu na kuli vana



venu, vase vali kwakusuku, veshovo mwasanyika Mwata Kalunga ketu kwiza kuli ikiye.”

<sup>235</sup> Ove wamuzanga Ikiye? Imika mavoko enu. Mamalelo, kumana Ikiye keshi wamwazako? Namuya ngachilihi nakusuwuluka na ou Mukanda wa Hepelewu? Enu zangi Echi? [Chikungulwilo ngwacho, “Amena.”—Muka.] Yaah. Kuwaha. Jino, Echi chinapu kwolola. Mamalelo, Echi chinapu hatoma kaha Echi chili chakwoloka, oloze etu twazanga echi. Eyi ikiko jila etu twatondo kupwa nacho Echi. Kumana Kacheshi kupwa na jila yekako.

<sup>236</sup> Jino, enu mwafwelela Paulu akwechi lisesa lya kunangula Echi nge ngachize? Paulu ngwenyi, “Kachi Kangelo mweza na kunangula mujimbu weka, echa apwenga wakwangula.” Echi chakwoloka? Shikaho etu twamuzanga Ikiye na muchima wosena.

<sup>237</sup> Jino Nguli nakuya nakulomba pashita kwiza hano chindende kaha, ndumbwetu walunga wamwaza, Ndumbu walunga Neville, kaha ikiye mwakaya nakupwa na lizu kumilweka enu. Kaha jino, kachi Mwata netava, etu natuya nakumona Chitatu naufuku, kaha kuliwahisa nakuya kuli Ndumbu walunga Graham Snelling ha kulikungulula na ufuku. Kaha jino kunangula hano kutwalilaho na kapetulu 7 na 8, echi kwiza cha Chitatu naufuku. Ndumbu walunga Neville. 

*HEPELEU, KAPETULU KAMUCHITANU NAKAVALI* 1 LVE57-0915E  
(Hebrews, Chapter Seven 1)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Katundwe 15, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)